

幾社壬申合稿卷之十五

華亭楊

肅

徐鳳彩

盛翼進全選

論

商周論

夏允彝



商周之所繇得國同而強弱殊者何也。商明於制天下之勢。而周之操世變者未審也。湯以勇智稱。而其臣之任又克襄之。故其取天下之道。與制天下之法。咸決斷專割。而無少遲顧。湯創德自身始。祖若父無所累基。而承緒不忍桀之孰惡。一朝奮



取之而不疑。雖其衆之不悅。劫之以孥戮。豈待教諭。周復若皇皇以求之。唯恐其我拂也哉。既得天下。其君少負內媿。而其臣則又爲之說曰。兼弱攻昧。取亂侮亡。天道也。夫弱昧者。類可憫取。而加侮焉。其詞甚厲。決商之君臣。豈不欲優游馴致于盛德無爲之事哉。時隔世降。誠有所不暇爾。雖其子孫之襲治。罔不做是而行之。盤庚遷殷。矯衆專斷。而又赫赫然。怵以高后之靈。俾必懼而從我。故凡其所爲治。毋計天下之從不從。審吾是而已。而周

之興也。數世而後定。其詞曰。服事吾節也。放伐非吾節也。已陳師于郊。反覆委折。務以開天下之疑。使聞而亮我。已取而代之矣。而徒以詹詹之詞。求其亮我而後從我。不亦難乎。其治天下也。遷都于洛。以爲有德易以興。無德易以亡。此唐虞之事也。周之取天下者。何如。安得此盛德事。而稱之耶。其於諸侯也。宴饗不已。馴至下堂。下堂不已。馴至交質。交質不已。馴至稱兵。蓋其崇尚優柔。雖以幽厲之無道。未能爲大惡于天下。天下諸侯未嘗潰然



而去之。雖靈王景王之聖且賢。大勢已衰。亦無繇復振。歷久而治弱。非姑息諸侯專斷不剛之故哉。周公之制治也。視伊尹加詳。尹諫太甲而不從。則放之。桐公被流言。則居東以待。蓋其君若相之所操。剛柔殊致。徐速異術。大致然也。不知天下代降。卽行之以至順。必示以誰何之勢。難動之形。然後從之也。專而服之亦固。周承商之後。猥欲順澤。無爲不事。矯拂而天下依我。豈可得耶。嗚呼。管商之治。知術而不知本。故能爲強而不能爲久。武周之

治。知本而不知術。故可久不可強。漢學商之剛而失其靜。故強近之而曆愈促。宋學周之文而無其開國之世德。可以感人而無叛。故促弱兼。然則爲治者。宜如何而可也。

七國論

夏允彝

六國卒爲秦禽者何也。或曰不能合從。賓秦而爭割地以賂秦。雖然。苟欲與秦爭帝。自強則可。合從名美而實不可行也。張儀曰。親兄弟尙有爭錢財。而欲恃詐僞反覆之。蘇秦其不可成也。明矣。然儀



之言可謂得其情而未知其勢苟知其勢則雖六國長爲昏姻言約事信相救若頭目終必破壞滅亡豈能禁秦之爲帝哉今夫戰勝攻取破軍馘將決於呼吸之間而期會結約數月而至假令從已成也秦且爲三軍迭出以肄之今年入韓明年入魏又明年入楚諸侯恐約從之不信一聞秦兵之出義無不相赴已至則去已歸則出韓魏數驚四國道敝車馳卒奔民勞饑竭如是而不亡者未之覩也且我觀合從之說明於策韓魏而失燕齊之

情又不達楚之勢從之說曰韓魏者燕齊趙之蔽秦必不能越韓魏而攻三國然以爲秦攻韓魏則楚絕其後楚又安能絕秦而救韓魏哉秦之攻韓也起少曲斷大行起宜陽觸平陽其攻魏也陸出河內水絕大梁無名山大川之限奮軍疾馳旦暮而傳國都楚欲擬秦之後必從黔中溯流逆江而上江流沛厲秦浮舟而下乃至順耳楚欲瘁力費日角險幸功不已難哉此必以大吞小不惜持久以徼必勝乃可入也而欲以爲救亡解圍之兵豈



有及乎。且秦并蜀而強，楚吞吳而弱者，何也？秦所得地，進可以勝，而退可以守。出戰則易，而仰攻甚難。東恃函谷，西恃江水，其勢同也。楚地散漫，回遠首尾，不相應。假令兵連黔蜀，敵叩捍關而欲呼吳越之卒數千里，圖存救至而勢已決矣。是楚欲自救，且不利。安能救韓魏？故曰：楚絕秦後，不達楚之勢也。齊去秦益遠，而燕亦有雲中、九原、代、上谷之隔。秦固無繇加兵于二國，而欲二國日驅其兵，今日救韓，明日救魏，今日助趙，明日助楚，慮患於百

年之後，而喪力於無窮之期。其國之父兄子弟憔悴不息，怨讟明興，欲其終不變計，是又安可得哉？然則六國終何以支秦？惟合兵攻秦，聚糧函谷之下，一年不破，期以兩年，小有勝敗，前死不顧，必下而後已。如是乃可爲也。若退而各守其國，秦加兵也，無恒期而從，難數合救，不卒至，近者先亡，終歸夷滅。嗚呼！吳蜀之協也，而不能終支魏魏伐蜀，吳嘗爲出兵，無濟蜀亡，豈非攻人不能終爲敵，禽也哉？此固古今合離之勢，戰守之說也。



唐論

彭 賓

天下始于一統其後散亂而不亡者曰晉曰唐曰宋然晉宋之世天子一舉足天下亡其半迄于末世不復振唐雖播越轉徙卒反故都盜賊縱橫而無偏安之象相持幾二百年力竭勢盡而授之梁豈無說哉晉宋一失其勢退而保江淮意自絕于中原矣其中興之主起自藩侯承乏而帝一隅志濫而望足其子孫又以庸人自守之才愛惜家業圖大不得恐返而亡其初當此之時言及復讎則

天子戰慄謀舉義旗則公卿塞耳雖有奇偉特起之將立功淮淝馳志伊吾廟堂之上無以作而爲之倡則大功不終引弓之民烏夷畜之不知耻天業安得而復恢此晉宋之所以失也若唐則不然天寶之亂肅宗以太子正天位扶義而東固以中原爲吾宗物也身冒百矢妻子居行伍間克定兩京耘鋤大難蓋有太宗之風繼是而起者代德憲武或雄武感憤或猜刻鉗忌或成或敗要未嘗一日忘藩鎮也其所播越之地靈武太原陝州奉天



梁州皆西北之域。于平陽最近。氣勢健便。足以控  
強藩而爲之用。故可以出而復入。君臣之間。習用  
兵之利。苟有持姑息之計者。一人得仗大義而折  
之。一出而不競。再發而更厲。拔扈之雄。鶚視狼顧。  
惟恐一旦天子之議其後。始而要爵。繼而請盟。終  
而割地。持之既已久。靡堅而不摧。河北雖失其勢。  
未敢絕虛名。而自帝此積威之勢。晉宋之所不能  
及也。今夫御天下之大變。豈銖銖而較之。寸寸而  
量之哉。其術必有所以誘之。使其搏擊衝突。頓鋒

挫銳而吾養全力以制之。有誘之以盡其畧者。高  
帝之以齊梁誘信越也。有誘之以弊其力者。亞夫  
之以梁誘吳楚也。唐之諸君。大畧有合乎此。而不  
能究其術。亦無弘度遠慮以持之哉。唐之藩鎮。類  
周之七國。然七國自開而周不能輕重于其間。故  
周失之弱。唐能開諸藩而無堅忍持重者以制其  
弊。故唐失之躁。善治天下者。因其勢而利導之。卽  
不亟去藩鎮可也。

莊周論

陳子龍



憤○必○怨○怨○必○深○深○必○遠○遠○必○反○今○我○見○人○之○醉○而  
呼○號○者○我○何○怒○哉○我○怨○夫○禮○飲○而○已○見○人○好○色○而  
至○於○死○者○我○怨○夫○陰○陽○而○已○陰○陽○者○必○曰○我○未○嘗  
欲○人○至○於○此○極○也○我○將○曰○豈○非○爾○始○彼○無○辭○也○夫  
人○因○所○見○而○追○所○始○既○迹○所○從○來○怨○有○所○歸○矣○則  
將○忘○其○所○見○豈○非○情○所○必○至○歟○莊○周○者○其○言○恣○怪  
迂○侈○所○非○呵○者○皆○當○世○神○聖○賢○人○以○我○觀○之○無○甚  
誕○僻○其○所○怨○亦○猶○夫○人○之○情○而○已○我○見○牛○食○禾○者  
其○童○子○者○必○詈○牛○也○父○兄○之○智○者○曰○胡○不○詈○畜○牛

者○夫○畜○牛○非○有○罪○也○而○詈○牛○者○豈○非○不○善○怨○乎○當  
戰○國○之○時○量○大○較○小○比○強○論○弱○賦○益○繁○制○戰○設○奇  
法○釣○淫○郁○侈○殘○殺○君○父○顛○倒○壯○老○卽○紛○紛○而○非○之  
彼○必○曰○等○威○賦○兵○妃○御○宮○室○皆○先○王○所○以○治○天○下  
也○而○何○以○服○之○哉○彼○如○此○其○強○辭○不○服○也○奈○何○而  
不○歸○罪○于○古○之○人○乎○莊○子○亂○世○之○民○也○而○能○文○章  
故○其○言○傳○耳○夫○亂○世○之○民○憤○懣○怨○毒○無○所○聊○賴○其  
怨○既○深○則○於○當○世○反○若○無○所○見○者○忠○厚○之○士○未○嘗  
不○歌○咏○先○王○而○思○其○盛○今○之○詩○歌○是○也○而○辨○激○悲



抑之人則反刺訥古先以蕩達其不平之心若莊  
子者是也二者其文異觀而其情一致也嗟乎亂  
世之民其深切之怨非不若莊氏者特以無所著  
見故憤憤作亂甘為盜賊豈非以聖賢為不足慕  
而萬物者皆可齊耶夫先王之制所謂禮樂度數  
者亦幾幾乎可觀矣後人壞之而深悲極怨之士  
猶歸獄焉而難辭後之君子輕言制作及身而叢  
怨者可勝道哉至于墮壞成法使怨歸賢哲其得  
喪亡猶為幸也

前題

宋存標

戰國時家與家立辨獨莊氏之發言剝剝即宿  
學不能解免于是外之為道家曰不適世用而未  
知其深于縱橫之術也莊周時儒墨盛顯不從世  
所共尊者攻之其說不著此不得已而詆訛孔子  
之徒也不從世所共非者附之其辨不曲并不得  
已而明老子之術也甚知我與若互有勝負惟攻  
者愈激我之說愈得申于天下乃後世合名之曰  
老莊而其當日立言所寓不大徑庭哉觀周之淪



下吏佗憤著書疾視世之王公大人皆自附儒者  
流詎知其所奉爲神聖明王者已若芻狗不足陳  
况依之以屬事離辭者乎周之洗汪自善卽天地  
陰陽亦受其譏訶何有于老氏而必同其說則以  
儒術堅壘攻之勢必假道于此也譬之戰國秦楚  
雖強與國勿共盟間有怨于齊魯者不得不借援  
以快憤然則老氏秦楚也孔氏齊魯也莊氏獨思  
圖伯而闔闢短長恣其喜怒者也雖然二氏亦有  
異隱之同老氏身隱矣而猶著書莊氏土苴萬物

矣而猶知千金爲厚利卿相爲顯位二子皆鯁鯁  
于中不忍割棄天下欲以其言遇當時後世之知  
其意同而了不異人意者亦此也

前題

周立勳

世稱莊子之學善自縱不能器也夫處亂世不當  
然耶當周之時人驚游說揣度形勢料強弱而莊  
子誕放剝剝於世無所論習其言使人蕩而失真  
卽以道德求之不將以無用廢乎然觀所稱引皆  
以救世世未得而用也夫戰國之所以亂者大小



之見明耳。負廣地積強兵以爭勝于天下。其間縱橫離合。設權謀。隱智術。取榮當世。又大抵以人之國重也。吾見蟻之聚食者矣。奔觸旋繞。不能相舍。夢得金者。既護匿之。又稱量之。惟恐其非吾有也。豈知羶之有盡。而夢之必覺哉。彼六王者。自守其地。異之無窮。然而兵交于楚。地入于秦。割盟要結。不定其患。出其金幣資飾遊士。莊子蓋重悲之故。多道上古至德之事。乘莽渺出六極。而遊于無何。有不以治天下。感其心。使當世之諸侯。得其言而

用之。方將小天地。混陰陽。齊得喪。一死生。又何暇以區區之國。而戰爭不止。且卒至破滅也。嗚呼。秦之取天下。殫矣。意乃在萬世。而斃于匹夫之呼。非所謂整舟澤山。夜半有力者負之。而趨耶。吾嘗觀古軼書。如所云堯讓天下于許繇。湯讓于務光。皆自莊子始。斯非其指哉。其時有鄒衍者。以談天之術。遊諸侯。見尊禮。觀其言曰。中國外如赤縣神州者。九此何與。當世之事。而述之。其意蓋謂諸侯之地。小小耳。何至觸鋒刃。馳辨論。以求之哉。此卽莊



周之意也。

蕭望之論

彭賓

大臣之權處之有二。任與讓二者而已。有以扼小人之要而顛倒羈縛之。則卒有所短長。恐禍敗不測。將重發而自止也。我之所處者。鮮不勝矣。如小人內訌。連結而不可解。左右植立。寡援無所措者。則屈志忍詬。以示人主之威。得行於我。而事久變。生然後出。而圖吾君焉。處其身於恩。然是非之外。不數數與爭。而小人之中之者。有間而禍亦淺斯。

可爲之術也。蕭望之。事宣帝久。恭顯素不相能。及受遺輔少主。又出高下。此其勢非任。卽讓矣。力能用高以制恭顯。則論高以大義。曉以禍福。謂吾與若同受先帝顧命。一旦貴近用事。讒間萌起。徒爲其所噬耳。爾時堪更生。皆通經術。無樂陰陽互持。致貽深患。而高亦非真與恭顯合。難以微釁傷也。則豈霍光之權。能加之于安傑。而望之之權。不能加之于宦官乎。如度其不能。則絕賓客。遠權執。俾浮薄之徒。不得進而窺吾之所欲。且恭顯輩之所



以不能忘者慮望之之有以深中之也望之既無  
所要結以明嫌怨之際無所不釋恭顯何能爲乎  
舍是二者而牽忍重遲失執無援至激之使不堪  
難以身免豈不哀哉鄭朋詆管晏尊周召是要劫  
常說亦何足與深計者乃以貴戚大事卒然而告  
之使吾之隱謀盡爲之取然後從而絕之絕之矣  
而無能制其命徒令之縱橫離合變端起隙于其  
間故曰無謀人之心而使人疑之者愚也有謀人  
之心而使人知之者殆也望之不免焉雖然此三

說可行之于始不可行之于終當顯等建白車騎  
圍其第望之設慨然就吏可終保無患乎有以知  
其不能也卽帝念師傅恩赦其罪顯等必無能容  
耳則于以嘆望之自殺蓋得古大臣之道矣

前題

宋存標

君子之欲去小人而必爲百全之計則小人終不  
得而去矣豈惟不去乃以重傷其操而天下非之  
故擊小人而不中卽爲蕭太傅可也雖然太傅之  
去恭顯而併傷許史也蓋失輕重之權古之君子



子申文選 十三  
欲除天下之大奸者其勢無亟亟乎多樹其敵也。故于其所已甚者必到而絕之于其所未甚而權勢之足以相制者亟收之以爲用元帝之世許史之罪非恭顯比也。卽有所縱恣不法而外戚之禍不深于宦官何則外戚之勢參于外宦官之勢全于內參于外則廢興迭代而不可常全于內則形藏植固而不拔故漢家之禍中于趙張者乃倍于呂霍其勢然也。且武帝之後大司馬稱內朝于以制宦官甚便車騎高雖德非良器然能激揚興之

言而荐匡衡蓋亦雅慕儒者之流顧太傅氣素高不少爲之借耳假令和容緩節從容風議喻之大道國家有大事相與敦勉之有賢才相推引而共荐之太傅令聞休咎貴戚之徒富貴在身亦欲附此以收列士之譽固宜其勢之必親親則弘顯喪其援而吾多其助然後伺貂璫之際杜邪枉之徑倡聲颺言外發內持彼元帝固孱主也內重違襁褓之恩而外迫師傅之尊則其事必聽聽則速主者行法焉不得使之叩頭乞哀以自解脫則二豎



之奸可朝發而夕去也。而望之乃抗威嚴峻拒防。峩冠直視若曰彼恩澤侯耳無足與計者且驚甚。吾何以堪之。于是乃日招新進忼慷之士外流聲名。內參謀議。同為顧命之臣。而高獨無所與其且。揚虛聲而切磨之。使恭顯得乘其間而為德焉。許史弘石之謀既合。則開一難就兩害。白簡才及發。奸人掃若盧而待之矣。漢家之事外戚與宦官常離而不合。取誅外戚者多宦官。謀宦官者多外戚。而望之獨激之以合其鋒。身弊而志不遂。悲哉。夫

中人之賢當肺腑之任。苟足依以集事者。則君子樂推焉。平勃因酈寄而反。兵權魏相因許伯而去。副封可謂得其術矣。堂堂蕭生折而不撓。自弱其資為冠傅翼。所謂有學無術者非耶。乃有君非漢元。奄非恭顯。噤口而不發者。又何也。

鄧禹論

宋存楠

剽狡輕銳。追奔千里。逐利之師也。平定安集。所在降附。持重之師也。宜輕而重。則失利。宜重而輕。則失威。昔者羊祜之鎮襄陽也。不爭邊境之小利。孔



明伐魏。案兵徐進。不僥倖。以爲功。豈其智謀之不出于此哉。以爲弘明遠風。義聲遐暢。使敵國之民。愛之若父母。望之若山岳。則吾之大計就矣。追鋒疾鬪。無益吾事也。鄧禹入關。中光武以長安。吾祖宗郊廟在焉。困于強寇。其忿屬漢而不得也。懸甚。苟得大度之士。以慰悅之。慮無不歸懷者。不謂其能窮武節。盡敵雄。若岑彭。吳漢之所爲也。而禹之入關。果停車勞來。日降以千數。又休兵北道。乘赤眉之弊。坐有長安。享軍昆明池。朝服而祠高廟。當

此之時。禹雖無動。其聲固以震關中矣。爲禹計者。宜弭節咸陽。廣布大漢之威德。部分降民。使不失職。吊死而問孤。慰藉都人之心。其子弟之壯者可簡而練之也。其他郡之饒畜食者。可勸而調之。聚兵而生穀。不出師者。一二年內力足。而外勢舉。近者旣樂德。遠者旣慕義。然後遣一介之使。憑軺軒。聳駿辯。以招之。不從。則建旗鼓而臨之。延岑不伐。藍田不敗也。藍田不敗。雲陽不就也。雲陽不就。李寶不倨。取訖不殺。赤眉不入也。禹顧不能忍此。占



占欲破小敵以為功。以紆徐安撫之師。為剽輕逐利之事。譬若有人于此。高冠裘裘。長佩申申。一旦而馳曠野。獵猛獸。固宜其勢之有不支也。豈非宜重而失之輕哉。然而此非特禹之失也。禹之屯兵。柁邑。光武勅禹以時進。禹雖執前意。然遂分將攻。討留。愔。歆。守。柁。二人相攻。禹威損。赤眉入長安。禹深愧其大功之不成也。故驅饑卒而相捍。再救不復止。卒以大敗。嗟乎。高帝之御將。無所為而聽其自為之者也。光武之御將。授成策而中制之者也。

幸其神算不敗。故所向有功。然猶失之于鄧禹。况手不及光武者哉。

議

江南鄉兵議

陳子龍

天下之事。患已見而圖之。則民信而事易成。安然而創之於我。則民有不服之心。而事多阻。凡法之設也。不能必其有利。而無害。惟天下之害。有甚於此者。而惟此為可救。其趨之也。豈待上令哉。苟隱其未見之利。而授夫先得之害。欲其信而行之也。



誠難。雖然。救於後者。患已被。治於先者。禍可絕。順民所欲。又焉可歟。鄉兵之議。盛于西北。而江南未之聞者。有四異焉。近虜之地。人各欲自戰。以固其家。若宋弓箭社。亦以陝西河北諸路爲雄。是也。至於內地。亦多劇賊。結聚。故人民立約。相禦。不俟號令矣。江南雖多盜。然散小無常區。其防自弛。此一異也。北方曠野。常百里。民聚族於一村。非其同姓。卽其親戚。故相結。易親。相助。必力。江南之民。散居於野。或一村。不及數家。而比隣。乃不相識。此二異。

也。北方易耕。而多暇。且天性善騎射。而家有兵械。鞍馬其俗。然也。今江南之民。自春徂冬。無日不盡力於農。且糊其口。之不給焉。得餘力。以事武哉。况性既不習兵。而家多貧。欲其棄耰鋤。以備刀劍。以牛易馬。難矣。此三異也。凡事雖云防患。然必有小利。則務之也。疾北人之習兵者。以獵爲業。旣可以試其騁馳擊刺之方。而又有丘陵之獲。故人樂趨矣。今江南之地。旣不可以田獵。又未有試于敵。而徒爲武人之容。則以爲戲美之事耳。此四異也。故



曰欲爲江南興鄉兵者妄也。雖然卽何得常燕燕。今海濱時告警矣。湖澤之間聯餘皇者纍纍矣。訛言繁興不可止矣。一旦有事皆魚肉耳。奈何。兵旣不可不設而行之始終甚難。一曰克補難也。二曰教習難也。三曰財用難也。事不可以虛言成也。苟不定籍誰適爲主。若抽選之令行則又與召募無異也。令其自試則來者必游手之徒而官又無以養之則亦難致也。若曰開報有產之民而免其繇則怯者畏而却走富者避而受詐亂必從此始矣。

夫民起隴畝之中而授以干戈之事則不能無教師。此其人以技遊四方非可以草具養也。或曰官養之城市則民且百里負糧以從其師非便也。或曰令富室養之則又非民所欲也。如此則官民相怨。欲望其技之精得乎。至於民旣講武苟不置賞罰則無以勸罰易爲也。賞何所出况大之弓刀小之桿棍官爲給之有過當之費而器必不精。欲民自辦乎徒空言耳。故曰有此三難不可行也。以愚策之有鄉兵之用而無鄉兵之名庶其可乎。有三



計焉。國家設郡縣。備百司矣。復于於鄉鎮聚落。設所謂巡司者。領以民健。所以備武勇。防盜賊。鄉兵之遺意也。今廢墮日久。貪吏徒與盜通。民壯手不能持兵。坐費廩食。莫若盡改其官。以武臣領之。稍增兵額。益募技勇。春秋則以都試之法。率其兵。試於郡縣。而賞罰之。居平則各分疆而守。以獲賊為功。失事為罪。則是一縣嘗有數區精兵也。且官既習兵。則無俟教師矣。既有舊卒。則不至驚擾矣。此大利也。江南湖海之際。盜藏沮澤。故水兵至急也。

今漁戶不下百萬。其人皆習勞苦。便舟楫。然陂澤葦港。不為勢家所據。則為鄉猾所持。漁人日獻鮮於豪門。幕納金於官府。其困日甚。夫山澤者王者之公利。今莫若清之。以盡屬漁戶。而稍約束之。為兵歲時亦較。試於郡縣。而即以所收漁稅。因其高下。以賞勞之。平居亦附領於巡司。而以獲盜為功。次此甚便而易行者也。至於庶人在官者。大縣常八九百人。郡亦不下三四百人。每更番為役。多有餘力。古者節鎮。則有牙兵。郡縣各有精卒為衛。蓋



其人既無農工之業。則其心專。日使令於官吏之前。則教之易。既以後故。食于公矣。又不免有他科之利。因而教之為兵。則費用省。今莫若免郡縣送迎謁會之繁。以其暇日。率其吏屬。習射於郊。身為將帥。則郡縣必有千百親卒。不易動矣。江以北。皂隸之屬。尚號為民壯。獨江南不之行耳。夫鄉鎮水澤。各有土兵。而官吏之左右。皆備銳士。則十里之城。萬家之邑。亦各有臂指相使。居重御輕之勢矣。此三計者。不擾民。不傷財。因舊制。飾新法。行之斷

斷有功也。夫喪亂之後。民知所厭苦。而各自為救。然後鄉兵可行矣。若備於未然之間。非官之可以自為政。而不及民者。不可行也。是三者皆可以制于上。故曰行之斷斷有功也。

擬御史大夫對珠崖不當棄議 徐孚遠

初元中。珠崖連叛。待詔買捐之。建議無發兵。請遂罷不置郡。上以問丞相御史。御史大夫陳萬年對曰。臣聞救弊存慮。服義著聲。帝者之博筭也。故罷內奉外者。非功徒遠。保近者。失制事。所不臣。古以



爲勤要於吾土定之而已。三代撫運中國地陜。豈務在安人割而棄之哉。誠形勢不能有也。孝武皇帝振布威德。開拓區宇。兼郡四拒。腹心徼絕。賓南海。置珠崖。甚隆業也。休顯浹溢。中更二宗。臣主之分定矣。特置吏不詳。抑奪無愆。阻兵守要。以勤疆吏。豈憚內屬。思自負哉。且非有他寇。因民弗忍。謝罷不治。曩使山東有變。卽閉關無東乎。事有小勞而計不可以已者。要以權力而處之。高宗盛天子也。鬼方絕區也。攻之三年。遠師也。然而史以爲美。

詩歌衍厲。蓋其烈也。封疆之事。畫屈氣殫。猶寸而守之。不敢先退。懼勢失也。幸今天下少事。關東雖比不登。然領海之外。與齊楚縣阻。卽發長沙水師。因番禺以告諭之。兵可無戰而下。豈必危關東。棄不振救哉。孝武皇帝所置封壤。介在蠻夷。卽有小殺掠。以時平之。無大騷費。今以無事中國。讓而弗有。卽徼外人欲自王也。陛下能一皆棄之乎。不能卽宜嚴兵誅不率者。無使生心。况當西域通道。單于保塞。以明漢廣大。無不賓順。區區駱越。挺詬逋。



誅釋勿禁制何示天下以無為也此聲不追臣恐  
 匈奴必輕漢絕約反質異時騷動天下其費十百  
 于此非但數萬人期月之役而已臣度珠崖驟叛  
 不過一時之急耳其心未必苦漢誠釋良吏安集  
 之其民宜必聽不忍百姓之勤輕廢先帝之績墮  
 成業開後釁臣竊為陛下不取也陛下特以議者  
 所言援合經文事有指證遂發明詔博詢同異臣  
 以為古今殊勢難以牽引取便國事而已誠若準  
 古方域即大抵非舊服矣豈但領越之外去京師

萬里哉臣愚無知謹以意對惟陛下財幸

封事

劉更生為前將軍蕭望之白罷弘恭石顯封

事

徐孚遠

元帝初即位太傅蕭望之少傅周堪並領尚書  
 事宗室劉更生以忠直明經有行望之堪甚器  
 重之薦擢給事中與侍中金敞同心輔政患苦  
 外戚許史在位放縱而中書宦官弘恭石顯弄  
 權議欲白罷退之使更生屬草書已成未上而



語泄為恭顯所譖。愬望之堪更生。皆坐免官。其書藏於家。世不多有。

領尚書事前將軍。臣望之。諸東光祿大夫。臣堪頓首言。臣聞國無安危。在所信任。主無愚知。在所決策。故大臣盡節。私謁不行者。治之藉也。小臣倚權。放寵不制者。亂之階也。內以親暱。自結于主。外挾人主之威。以傾動耳目。連援勢要。設事必行。此忠臣所為寒心者也。臣聞物有小而制大。身有賤而托貴者。居中得地。勢使然也。在易五陽一陰為姤。

陰雖至微。為內之主。故聖人戒之曰。勿用取女。不可與長也。其象曰。繫于金柅。柔道牽也。言漸盛之。陰將進而牽陽也。古之明王。謹小慎微。所與遊處。罔非端人。武王臨朝而鞶。係墮。左右顧無可使係者。王乃俯而自係。明所任得職。不狎邇人也。周官百司。統均冢宰。越內小臣。皆得詔之。王不親其任也。周書曰。王左右常伯。常任。準人綴衣。虎賁。蓋周公為宰。平衡其屬也。推擇醇謹。有行義之人。使之。一心輔主。故其詩曰。芄芃械。樸薪之。標之。濟濟辟。



王左右趣之。言莫不以其職事親媚于上也。至其  
 下。衰陵遲。左右即欲為非法。而大臣得以故事制  
 之。猶有畏憚。不敢以私恩自恣。故其詩曰。曾我誓  
 御。憺憺日瘁。此皆檢衛群小。勿使干擅之効也。及  
 至幽王。內寵亂政。變更舊典。權倖執朝。故其詩曰。  
 皇父卿士。番維司徒。家伯冢宰。夫卿士大臣之屬。  
 其任不過今丞相司直等耳。位至卑也。然而坐制  
 九卿。富擬周室者。用事于中。威福太盛。所致也。自  
 是以後。綱紀大壞。寵謁公行。齊桓公為五霸首。一

日失管敬仲而身制于豎貂。晉文謀原守于寺人。  
 秦孝公因景監而任衛鞅。遊士為之用。談說者助  
 之。言植黨鬻權。更相援接。排擯公直。以成其勢。甚  
 可痛也。至于始皇。謀臣滿朝。宿將列衛。始皇意思  
 不親。湛樂宦人。趙高與之圖事。擅易太子。定于二  
 言。丞相惕息。不敢執議。積威劫之。漸也。重以二世  
 愚闇。援立其手。一旦作難。身死宗夷。其為大漢戒。  
 至深。至厚。臣伏見中書恭顯。執掃除之役。事先帝  
 有年。以其積勤。令在門下。奉行文書。先帝英斷不



假人以私。恭顯畏懼。猶知包藏。然其體非全氣。性  
 行險譎。因事誣罔。毒害措紳。故司隸蓋寬饒。訊切  
 刑餘。言辭深痛。身到北闕。與以覺悟。聖朝此人。臣  
 篤忠之極也。及至陛下。幸臨萬國。深執恭讓。未有  
 改作。恭顯自以先帝舊人。端行省內。陛下有所顧  
 問。數懷二端。輕重在口。因緣為奸。至有千百餘條。  
 自以過罪盈溢。恐為二府案問。臣等發明檢責。知  
 朝廷尊優車騎將軍高。乃傾身結引。高亦利其給  
 事。禁省刺托朝旨。相與交黨。內外朋比。臣聞中人

朝夕至尊。不宜誑誤。貴寵言語漏泄。其傷至大。昔  
 者高后欲王呂氏。而難發言。大謁者張卿挾制大  
 臣。白倡其議。遂尊立梁趙。嵩宮據軍。幾危劉氏。起  
 于外戚。內臣更相建置。一意并謀。以擅割國榮也。  
 今恭顯幸得蒙恩。與聞機要。不思杜絕私交。以稱  
 任使。乃反外接戚屬。共為奸誣。臣恐其意望不常。  
 難以恩厚畜也。詩云。潛雖伏矣。亦孔之昭。此言用  
 事之人。內取陰事。外招利權。流言噂沓。譁于民聽  
 也。臣聞高帝嘗枕宦者。卧大臣。排闥進見。高帝笑



而起文帝令宦者趙談參乘表盜切諫趙談涕泣  
 下車雖恩倖結主而見折于一言退不旋踵者人  
 主以私厚之不當事任也故不任以事雖親必輕  
 假以國柄雖疎必重古今之常勢也竊惟中書本  
 士人常選曩者武皇帝屢遊後宮始以宦者參之  
 自是出納制詔事歸內侍增加語言飛辭舛午外  
 庭莫知綜核其于虧損聖德疑誤天下不可勝言  
 也臣等議免恭顯所居官放歸本郡中書之職宜  
 擇士人有學識中正不阿者克之勿令刀鋸餘人

復塵其選陛下孳孳勤政招引文學之士議開太  
 平之基臣等幸以舊恩托肺腑竭身盡智不足以  
 報塞萬一誠不勝大幸朝除佞人夕就農畝無所  
 復恨謹以便宜條上惟陛下財幸

擬諫官不言宜罷黜封事

李雯

臣聞諫官者國家之鋒穎天下議論之所宗也是  
 以拾遺補過長孺所願輕本重末蕭生不怡彼豈  
 有擇而為之哉摘天下之群疑救人主之獨是高  
 論通古今燁然震衆心故足尚也陛下即位以



來。匈奴。狂。侵。盜。賊。四。起。高。戈。指。闕。叫。呼。滿。野。天。下。不。為。無。事。矣。淮。南。水。秦。晉。旱。中。土。風。霾。天。不。為。不。變。矣。小。夫。險。臣。之。徒。竊。高。爵。極。邪。勢。亂。天。下。之。士。而。欺。陛。下。者。又。不。為。不。多。矣。逆。璫。之。黨。扼。腕。而。盱。視。肘。足。接。京。師。賴。陛。下。神。明。而。計。不。行。者。又。比。見。告。矣。而。陛。下。之。諫。官。弭。口。塞。耳。非。肯。正。為。陛。下。言。之。也。出。則。深。拱。令。好。遨。遊。諸。貴。間。以。伺。其。所。指。入。則。持。籌。而。算。所。贏。之。多。少。無。憾。而。後。即。安。即。陛。下。禁。之。不。可。得。而。止。也。而。其。不。言。也。雖。陛。下。強。

之。亦。不。可。得。而。言。即。言。之。非。有。所。私。也。則。有。所。受。而。不。能。已。者。也。非。然。則。張。大。其。聲。以。恐。喝。天。下。因。以。為。市。也。非。然。則。踵。其。敗。而。乘。之。也。天。下。或。有。越。而。言。者。諫。官。群。起。而。誚。之。曰。吾。輩。猶。不。言。若。咕。咕。者。奚。為。則。是。又。禁。天。下。以。言。者。也。以。陛。下。之。賢。聖。不。惡。聞。讜。言。吏。民。上。書。猶。下。章。報。聞。而。所。任。不。肖。諫。臣。頑。鈍。無。所。識。上。無。深。激。難。聽。之。詞。以。磨。拂。陛。下。下。又。無。通。達。辨。曉。條。奏。一。切。可。為。便。宜。者。獨。耗。贖。國。事。心。開。金。錢。銷。鑠。陛。下。之。精。銳。檻。塞。



天下之言路。夫人臣庸駑不職。廢斤之科也。傾邪放手。死誅之罪也。陛下之諫官兼此二者。誠乃當服歐刀之誅。極于窮荒之域。不可但已。或陛下寬仁。以為是區區者。不足振吾法也。亦當少示簡白。空臺而逐之。以待天下骨鯁之士。于以重朝尊君。非瑣言妄計也。臣愚不知所忌諱。瞽言觸朝。惟陛下裁幸。

為馮掖吏民訟韓延壽

李雲

臣聞奔父之難。不容雅步。創體之痛。不能和聲。竊

見御史大夫蕭望之。劾奏左馮掖韓延壽。放散官錢。上僭不道。吏議深竟。陛下欲窮法焉。愚臣竊悲延壽之為陛下。子養元元。而不食其報也。延壽抱盡節之忠心。極愛利之至行。蒙陛下獎其醇理之績。授以親重之寄。召自東郡。入為馮掖。延壽究慮畢誠。勤宣教化。執謙盡下。明廣厲之心。不為煩擾之治。滿歲以來。盛理液洽。人各自重。耻為鬪爭。以羞父兄。延壽又深責躬之義。開表勸之懷。薦慰良吏。仁慈競進。二十四縣。若一身之治。肺石雖設。寃



民不立。園土雖周。惰民不入。奸萌銷而不鋤。吏民  
 悅而自敬。當此之時。豈有科條禁令。法制哉。誠愛  
 結于心。不忍之至也。延壽豈不知效。嚴核之政。設  
 一切之令。徼且暮之譽。獨上體陛下之心。以為畿  
 輔之地。敦禮而尚教。則百郡知式。下土樂觀。故深  
 執軌度。訓民和雅。至教蒸蒸。禮俗齊一。漢興以來。  
 治郡未之有也。或者顧思遠體簿書之間。以為非  
 國家之大務。故放失金錢。至掛吏議。然臣以為若  
 延壽之福國益民。陛下雖賚之百萬。不為過也。何

則吏道不良。郡國多事。盜賊水旱之災。所費陛下  
 金錢。至不可勝數。而延壽不為陛下。致此。是其所  
 損小而所益大也。或曰。延壽之在東郡也。飭兵車。  
 建幢榮植羽葆。窮騎士之武節。工刀劍之盛飾。臣  
 愚以為。為延壽儒者。習于禮容。然在馮掖時。備謹退  
 讓。不至若議者所道。豈有一人之身。前後易節。驕  
 倨于彼。而肅恭于此哉。縱使有之。或為陛下揚威。  
 武折逆萌。然謂妄上無等。以為戲笑。則少知治體。  
 者之所不出也。以延壽之賢。陛下縱不得勅高蓋。



以。旌。之。建。油。屏。以。泥。之。乃。徒。欲。以。微。文。置。之。極。法。  
 陛。下。復。求。天。下。有。良。吏。乎。殆。不。可。得。而。勸。矣。御。史。  
 大。夫。蕭。望。之。明。經。術。著。公。方。苟。存。社。稷。之。心。亦。必。  
 為。陛。下。惜。此。人。于。天。下。前。年。殺。廣。漢。京。兆。人。至。今。  
 歌。思。以。為。丞。相。大。夫。不。能。為。陛。下。保。愛。元。元。今。馮。  
 掖。幸。而。得。延。壽。上。自。班。白。下。至。稚。子。欣。喜。歸。懷。深。  
 泳。沛。澤。陛。下。又。逆。折。而。傷。之。是。絕。百。姓。之。望。而。無。  
 以。繫。其。生。也。臣。等。竊。痛。延。壽。修。身。潔。行。惠。教。孜孜。  
 開。利。若。奔。嗜。慾。救。下。若。避。饑。渴。廣。睦。親。之。風。除。怨。

咎。之。路。功。著。誠。立。威。明。亦。布。誠。陛。下。慈。惠。之。長。樽。  
 俎。之。臣。今。一。旦。無。辜。傷。于。執。事。之。意。若。于。深。誣。之。  
 文。削。去。惻。愍。之。實。跡。濫。被。狡。猾。之。大。惡。括。髮。露。車。  
 裸。躬。就。道。臣。誠。不。忍。老。幼。扶。持。徘徊。泣。飲。觀。刑。東。  
 市。臣。等。鄙。人。生。無。益。陛。下。願。伏。刃。北。闕。馘。掖。死。使。  
 惠。養。子。民。惟。陛。下。憐。幸。

為汲黯劾公孫弘奏

王元玄

臣聞丞相者天子所使總方畧一統類廣教化美  
 風俗也竊見丞相平津侯弘學足以文術寬足以



包忌起自東海布衣年老耄矣。天子親擢置第一。位丞相爵通侯。不思大報德厚。尚鈍墨取容。深阿陛下。游言寬通。靡所指據。始依正論。以要人心。既又自違之。以迎陛下之欲。招致酷吏。緣飾文雅。使陛下廢過。悉核天下。擿足而已。于其間。有君子之名。外開東閣。來賢人。內實以微文折頌。儒董仲舒等。或故為頑鈍。無所知曉。而深賊次骨。乃至不可量。帷幄無所籌。折衝無所用。區區欲以布袍脫粟。鎮撫天下之心。臣恐天下之不可以戶曉也。臣見卜式善官。猶依朴魯。張湯舞智。明曰深誅。弘獨以沉寘之度。兼而勝之。疑天下視聽。負陛下托臣誠。愚慙有犬馬之病。不能與此。臣同事陛下也。伏願陛下下明詔。切責奪其璽綬。放歸田里。以明大漢。不相無益之臣。不乃為淮南笑。

幾社壬申台稿卷之十五終



幾社壬申合稿卷之十六

華亭徐鳳彩 陸慶曾 盛翼進全選

對

中州災異對

陳子龍

臣聞天嘗欲告病於人主。見於災祥。災祥不能自  
言。故經術敢言之士。陳其徵驗。人主者奉之。若曰  
天命也。天命不識忌諱。故觸動本朝。咄犯盛臣。呼  
告賊禍。言辭痛凶。人臣不敢曰直言。宣天戒也。人  
君不敢曰聽言奉天命也。陛下履全勢。撫安民。



治理莫緒。恩澤阻絕。專任私嬖。仁賢空虛。民怨離  
繁。盜賊奔放。故怪變繁白。縣象乖悖。地震星飛。日  
月交食。赤野廣浩。水大出菑。重以中州守臣所上。  
豐見錯起。咎徵明會。春秋所紀。未之見也。覽諸儒  
之占考。推歷代之符。應禍患之來。其機甚明。臨穎  
風霾。拔屋金石。舞空輕縞。不動者陰氣盛。壯有餘  
力也。風之舉物也。必盡其力。輕者先動。石土厚質。  
乘其力盛。忽然克舉。輕者若不屑也。京房易傳曰。  
臣易上政。茲謂不順。厥風大焱。發屋。侯專封。茲謂

不統風疾。而樹不搖。夫暴風難石。微颺弱樹。今也  
反是。合此二端。其應大臣壅塞。專政輕上位也。天  
戒若曰。大者既去。細者雖存。不足恃也。秋大雨雪。  
人畜歿。漳河水合者。劉歆以爲常寒之罰也。傳曰。  
聽之不聰。厥咎急。厥罰恒寒。厥極貧。此政時愆也。  
舒緩微燠。急迫微寒。其應人主嚴猛。促迫督責。其  
下民力屈。絕刑罰。過法卒。至上下俱貧也。萬雀共  
巢於樹者。小人羣聚。乘高大也。運斗樞曰。瑤光星  
化而爲雀。瑤光在斗。居權衡。出政之間。其位在近



臣宮中也。雀似有爵者。然微小不得位。故嘗翔踔。簷櫳巢乎。苕棘爭食。背飛不相統一。今和戢萬羽。都擬高木。同巢共育。人則不知耳。其中必有異雀。爲孽此小人。內恃黨成之占也。維陽延秋。山草狀若人馬。執兵甲者。此民作亂。叛上之象也。夫草之爲質甚弱。人踐風偃。今變而爲人馬。兵甲糾健。威立天意。以爲人君。草芥其民。一旦治兵被甲。不可測也。夫天有狂飈之發。地有非時之凍。二者已醜。草妖蟲孽。雜出婁至。不可謂天戒之不明也。且臣

聞之幽陰之邊。風震沙石。崖谷深黝。暑冰夏雪。同穴異鳥。草形龍蛇。天地之偏旺。氣物之偶詭也。故或青妖無譴。怪變不徵。今中土清淑之都。和衍之氣。生植夷正。鱗羽嘉育。而乃屢見反和之事。大有不經之物。皇天不樂降此中國。漸布諸夏。安可簡易。天物移害不息也。陛下輕樂大戒。無所變置。羣工庶士。無肅乂之資。暢悅傲倦。賦歛日亟。邪辟盈登。是無拒災之能。存文過之志也。願陛下盡力匡彌。順承福祿。用享於上帝。無忽。



前題

李震

今皇帝四年，河南上災異，言某郡有疾風起，數百步內，大屋爲飛，某郡野雀相聚，大如斗狀，某郡生草作人馬器甲形。天子異其事，詔大臣及博士諸生問狀。臣愚昧，死再拜上言曰：陛下秉上聖之至德，察天地之幽理，聞戒反躬，詢及微臣。臣才識頑露，罔知天物，不足以辱明問。劉向所陳京房所學，苟應顯見，贅言曲說，不足以副陛下之明。滿譎妄言，則天下以爲瞽，敢竭其拳拳率意以

對。臣聞風者先物施聲，象王者之號令也。在洪範，心不睿，罰恒風。君子之德風也，小人之德草也。雀者爵也，其類至微賤，然象高位者也。中州天下之均，古天子之所治也。是數者皆不宜有變，而踵見叠至，近在千里，占之古語，驗之今事，可爲寒心。以臣愚度之，意者陛下發令，剝疾民心，四擾若颺風之四馳，不能終朝者耶？抑心氣狃急，生其煩惑。皇天告戒，使陛下紆心而遠猷也。臣聞之詩曰：大風有隧，貪人敗類。意者朝廷有敗類之徒，若刑



餘宮豎靈亂國是。或貪人據上位。驅扇徒與天下。有飄蓬之勢。不可得安。諸若此類。陛下不可不察。不可不戒。草欲不草。猶民欲不民也。雖使爲麒麟鳳凰神芝雲氣之象。聖人猶懼之。况人馬甲兵耶。管黃巾將亂。草生兵弩。石勒潛居。萌芽鐵騎。意者窮愁之民。有輟耕太息之慮。今既見其端矣。野雀羣死。羽蟲之孽。又近黃青。臣嘗考東漢中平間。懷陵萬爵悲鳴。相鬪斷頭。積棘其後。宦者殺何進。高爵者蒙戮。禍乃極慘。幸陛下聖明。此患宜絕。

然既見其影。當慮其形。又臣聞雀鳴空倉。意在得食物之弱。而志卑者。天戒或曰。陛下今之所與圖事者。皆鼠雀之儔。雖得百萬。無益于事。猶聚尸耳。陛下益當簡鸞鶚之羣。斥拚飛之侶。以匡聖朝。行寬舒。去貪敗。安駕徐驅。以應颶風之變。專任良吏。慰藉元元。草竊之徒。不宜敢鴛。又變起中央。陛下當端心正誠。以悟天意。所起之處。益加蓄備。恐宜有急兵。方今天下多事。妖青日見。即此數者。可謂已劇。陛下其敬慎天氣。內求至理。可



前題

以云補。若告戒之文。不為不足。臣愚昧死再拜對。臣觀災異之出。多失其應。而人主必謹言之。謹言之者。重有戒也。人主踐至尊之祚。無所瞻畏。危亡卒起。省救莫及。廣見之士。博舉禍害。推驗咎愆。恐涉誣妄。自致不測。故古者經術明湛之儒。先事著見。猶必待帥求直言。指陳隱切。况臣固蔽不通。政事豈能盡中。今者幸逢明詔。條中州所土。陰陽和會。天地林否安在。臣敢以類進。中州所土。陰陽和會。天地

之中。四年某月。風霾大湊。翔屋舞石。輕纖不動。秋雪冰河。牛馬僵縮。萬雀聚巢。山草介胄。異徵誕象。春秋未書。不審陛下神明。為治甚銳。何以致此。傳曰。心之不睿。厥咎霧。厥罰恒風。心主四事。風主四氣。四者皆失。則區霧無識。故風霾並起。為冥晦也。得無有匪職授事。謹乎專上。毀陛下之心者乎。又京房曰。賦歛不理。茲謂禍。厥風絕經緯。今拔揚重物。飄墜數里。小者僅安。不比沙葉。失經緯矣。臨賴之間。土地沃坦。號稱殷樂。致此形變。意豈



六  
陛下將廣賦歛。富厚之家。蕩業失所。所存貧弱。不足奉上。乎。劉歆以爲貪利之應。皆主風罰。此其效也。大雨雪。及未當雨雪。而雨雪。劉歆以爲常。寒之罰也。此政迫促。下不通上之應也。今秋非其時也。雪深尺。雪又雨之。陰積慘也。人畜俱歿。暴殺也。漳河水凍。上威重而下情壅隔也。又其極爲貧也。萬雀啾啾。登木而處。共巢於枝。狀類匏瓜。臣聞雀者爵也。爵祿富厚。擇安而保。登木失據也。共巢合與無遠志也。狀類匏瓜。繫不用也。臣恐懷祿之

臣不知危懼。風振枝折。隕其居處。延秋山草。狀若人馬。被甲持兵。夫山體巍大。草質微弱。人馬勇勢。甲兵凶象。樛結成形。天戒若曰。甲兵被野。城郭爲墟。小民憑險。將有變起。今流寇竄卒。殘傷秦晉。剽斥齊魯。雖未盜名字。保城邑。始大亂矣。後漢黃巾賊起東郡。草作人狀。此並占也。惟陛下深戒之。古之帝王。抑寢符瑞。慎察災異。非樂禍而惡祥也。蕩佚基敗。震傲進福。語云。有危亡之事。而危亡之言。不上聞。故大壞也。况天戒顯明。發形奇切。風厲



畫掩草物。猛恠一月之間。大變四至。人民狂喘。耳目駭亂。如此而不深思其故。以類省蠲。臣恐水雨山石爲異不止。亂繇此極也。且數者非無驗也。大風毀室。南越以反。四月極寒。秦刑乃毒。漢雀悲鬪。貴寵爲戮。賢人衰去。厥艸天雨。徃者之極符矣。今萃於一時。告於一土。此必有大異。天將以悟陛下。陛下宜緩刑薄賦。息養元元。去親信之小意。絕悃急之至私。使海內恬豫。邊境堅戢。時聞危言。以迎休祉。則榮光塞河。精氣應明。以臻上理。無難。

臣昧死謹對

前題

夏允燾

伏承明詔。以中州災異至劇。今臣條上所繇。臣聞稽古。天人之事。災變之應。炳然昭白。無可疑惑。卒繇危亂。萌芽人不鏡見。上天先告。以示震戒。臣竊觀數載以來。夷狄薦侮。盜賊藪聚。饑饉仍臻。黔首搖動。危震之形。瞽聰咸見。即天物平夷。臣不敢謂安。况咎徵稠至。怪端博興。臣慮變事遂成。故天意迫切。陛下若斯著明也。又變起中州。在天衡



軸。此。非。徒。一。方。之。憂。也。臣。攷。圖。書。災。祥。之。源。均。肇。河。洛。繇。天。下。之。中。先。應。天。意。故。殷。周。之。衰。桑。穀。隕。石。六。鷄。退。飛。咸。自。其。處。盛。漢。之。隆。神。雀。芝。草。甘。露。嘉。穀。駢。集。南。陽。暨。其。衰。缺。遂。陽。之。郊。偃。柱。生。枝。陳。留。陽。武。厥。生。異。草。皆。著。異。天。中。四。方。協。應。迄。於。本。朝。二。祖。肇。造。鳳。凰。嘉。穀。虞。汲。之。間。孝。肅。盛。軌。龍。見。鱗。生。均。集。斯。區。陛下。之。興。鳳。凰。先。集。臣。竊。謂。安。危。之。徵。苟。造。中。土。著。應。至。博。間。者。風。霾。拔。屋。金。石。爲。飛。萬。雀。喑。喑。共。巢。一。木。草。木。異。狀。厥。類。

甲。兵。比。于。退。鷄。則。事。劇。列。于。神。雀。則。類。反。繫。于。異。草。則。狀。尤。怪。計。時。則。孤。臻。與。稠。發。殊。度。地。則。同。方。臣。慮。駸。咎。之。繇。非。顯。一。端。所。可。搃。塞。竊。唯。心。之。不。睿。厥。罰。恒。風。四。氣。皆。亂。故。風。爲。災。揆。之。於。今。殆。朝。廷。之。上。畫。計。霧。亂。慮。事。咸。失。也。拔。石。之。異。繇。役。急。責。逮。迫。恐。也。安。國。定。傾。則。類。盤。石。石。飛。者。國。家。危。動。石。又。金。類。石。飛。於。上。金。竭。于。下。也。又。金。石。翔。舞。輕。物。安。處。此。言。搖。動。之。辜。肇。自。貴。重。微。賤。無。與。也。詩。曰。大。風。有。隧。貪。人。敗。類。意。者。微。弱。之。臣。劫。于。



重法貪黷少戢。大臣握重者類益恣奸。乘風震壓也。萬雀共巢者雀依人小鳥。天戒若曰。微小自贅。聚人不足依也。又懷爵祿者。自翦徒與其巢穴中。通外奸。殆中外奸通。廷臣得通中常侍之效也。形若匏瓜。瓜繫不食。臣竊以是窺朝者。徒擁爵祿。鮮可仗矣。蜂蟻屯集。各宗厥王。今萬雀瓦聚。非有特異。紀綱其間。臣意不逞之徒。自相鼓聚。將為逆亂。無尊上之念。其端已成。未易壞散。延秋山草木異狀者。草竊不止。乘高據勢。難卒下也。近傳木冰為

木介介者甲甲為兵象。此猶推影索響。窮極微應。無自然之形也。况狀若人馬甲兵成形之禍。至甚赫赫不假。鈎致天戒。若曰。山草興戎。灼灼若此。又延秋山者。秋類刑罰。殆刑掠驅迫。盜起不絕。綿延至衆也。草妖者。視不明之咎。王德下衰。下人將起。則有草生如人狀。臣非敢替說。歸天以欺陛下。考之經傳。咸著前徵。怪惑之患。婁臻益大。豈可以忽哉。唯陛下益廣德心。俾無區督。又審厥號令。輕重攸宜。則狂飈不興。安所益省。徭役憫恤。元元



選練朝者。務進端平行誼之人。毋徒調諛刻深。邀  
上寵澤。庶聚雀之黨。散鸞鳳之祥。集焚巢之咎。滅  
崇禮克躬。推誠納諫。毋有草芥沮敗。忠直勉強大  
道。毋跡覆軌。假號權宜。臣聞本強則精神折衝。弄  
兵之徒。不難自解。臣意陛下明聖。數端雖切。聖  
意不迕。然臣竊視陛下明詔。惕然敬天之音。未  
嘗少息。而天重震。陛下。臣。下。患。後。道。者。殆。陛下  
類文厚實。不副也。抑。亦。言。前。外。一。林。應。事。實。唯  
陛下執之復之。亟思答謝。以塞天意。若迺容容。遇

臣懷怵惕之虛辭。簡細遺大。陰切諱忌。臣愚不能  
爲陛下計。謹昧死以對。

前題

朱灝

中州古豫州地。歸睢陳地。兼數省。有變易。延他境。  
勢若脫甌。彰德控河北。牽制同襟肘。開封固都會。  
茂實稱汝寧。鑄獵弓矢。河洛爲著。言形勝者爲天  
下中。中有災沴。四隅可知。譬之一身。臟告病。肢盡  
痺。能按脉以察其病乎。夫天地之氣。噫而成風。旋  
轉未嘗相離。故保章氏以十六風察天地之和。凡



融。滔。長。薰。巨。飈。寒。厲。皆。其。常。也。即。暴。暄。霾。盲。亦。變。之。常。也。管。有。發。屋。走。沙。者。矣。而。今。則。發。石。走。屋。與。震。崩。者。無。異。所。稱。太。平。風。不。鳴。條。者。响。其。間。物。之。重。飛。而。輕。留。者。奚。故。陰。為。重。陽。為。輕。純。陽。則。飛。純。陰。則。伏。惟。陰。不。降。而。亢。陽。不。躋。而。屈。於。是。重。者。反。飛。輕。者。反。伏。此。非。陰。陽。相。盪。乃。相。制。而。為。稜。異。者。也。古。者。日。在。北。陸。而。藏。水。水。乃。窮。谷。之。陰。氣。所。結。惟。二。之。日。其。腹。告。堅。考。之。襄。公。時。春。無。冰。注。謂。君。不。能。制。下。成。帝。時。雨。木。冰。劉。歆。以。為。上。下。施。者。不。

達。永。徽。時。凝。凍。封。樹。不。解。劉。向。以。為。樹。介。介。者。其。象。今。募。收。司。今。而。鉢。成。山。以。噴。流。漸。是。陰。未。足。而。用。進。乎。極。殊。非。馴。致。其。道。陰。承。權。而。巧。生。亂。如。景。福。中。滄。州。城。漚。冰。紋。如。畫。地。有。兵。難。以。遠。徵。近。寇。敵。之。應。也。瑞。符。之。呈。地。產。紫。脫。朱。英。故。芳。蕤。衰。變。正。傳。時。之。消。息。靈。帝。光。和。七。年。陳。留。濟。陰。諸。郡。草。生。如。人。狀。持。兵。牛。馬。萬。形。畢。備。後。關。東。誅。卓。二。郡。吏。民。殲。滅。幾。盡。草。妖。之。興。今。何。類。此。凡。歲。之。豐。苦。驗。之。薺。與。葶。蔞。雨。旱。驗。之。藕。與。蒺。藜。豈。獨。兵。荒。無。



可驗哉。不特此也。詩人刺小人衆多。况草木之蒼  
 蔚。今所謂妖媚者。無論夏榮。即冬亦不彫。其蔓延  
 能歛。竟繁骨。縱薙之。亦旋生。易形爲人。肖其類耶。  
 明王出。瑞羽軒翥。然羽蟲多孽。漢時稱鳳凰百四  
 十九。見何敞。以爲羽孽不祥。况凡鳥爲妖乎。漢之  
 中平三年。陵上有萬爵亂鬪。頭懸枳棘。後之驗占  
 者曰。陵大高之象。諸懷爵祿而尊厚者。還自相害。  
 今則萬餘爵而共營一巢。無共室之鬪。固其黨也。  
 同處堂之智。好其便也。又有驗者。小爵之性喜聚。

內堅其壘。即外有鷓鴣。亦不能逐。今朝堂營祿。弄  
 署紛權。此羽孽羣聚之所象也。雖然。薰惠吹萬。狂  
 颯息寒。知天下沍陰春釋。長養茂遂。妖秀立萎。火  
 離當空。羣壘自破。轉災爲祥。易厲作瑞。天所啓聖。  
 物之示警者。較然無惑也。

前題

彭 賓

天地之氣。自有變動。未必政治之所興致也。此言  
 豈可以告人主哉。災祥皆天也。舉而歸之于天。奉  
 所尊以信之也。然而數稱瑞應。盛陳符祉。循細微



之事。飾衆多之福。以爲誠天意也。甚醜。若水雨失時。草木變象。盜賊不息。饑饉仍臻。敢言極諫之士。深懼危亡。不避忌諱。之誅。陳所諫于前。雖伏妄言。陛下不宜深咎之。陛下撫成業。圖盛治。誠無有渝。敦樂與天下更始。然而日食星變。河水汎溢。秦晉滇齊之間。所在蠶起。更如言者所奏。中州災異狀。驗之千古。考之于諸儒之說。可危甚矣。風霾折拔。樹屋頓仆。木石輕縞。不動陰氣盛也。人君蔽霧。纖雷之所致也。夫飛塵揚沙。輕者失恃。勢雖僞。

邀未極。奔厲今堅者。先發高位。疾顛矣。上失常度。以爲莫予制也。起于微末。得而制之。是天心仁愛。先及于所尊也。大雨雪。人畜歎。傳曰。厥罰恒寒。聽不聰也。小雀千餘。其結一巢。狀如匏瓜。夫萬雀不及一鳳。羣小用事之微也。雀應辭命。關于在位。陛下即明察。日搏擊之。而强者附。鴟鵂弱者同。鼠穴一旦有矯翼自奮者。且啞咿笑之。京房曰。臣私祿罔辟。厥妖鼠巢。異事同類。可不省與。山草結形。俱象人馬。佩劍戟立。夫殺不以時。故有草妖象柔。



能制剛也。殺生之秉失而在下。將有萑苻竊發。草澤狂叫。卒起之既。陛下且以今日之勢。揆之財賦。殫益軍士。芘午大臣。雍厚小臣。中格即何恃而無他虞也。臣聞國家安危禍福之幾。係于下民。民命不保。激極必危。陛下固知之。未之信也。夫王者順時而動。休氣充塞。祥風至。朱草生。赤雀應。銜書來。則羣生之命。遂王事之本立。淵泉山澤咸獲嘉應。况中土膏腴之區。圖書之淵乎。察于天變動。徵垂刺。未及春秋六年災異過之。豈陛下載心

至治。格于微渺。不數數量。休咎歟。舉朝之臣。雖有天變。當時倉卒。則驚怖動容。歷久婁臻。則狎習翫志。所恃留意者。惟在陛下。陛下苟能永推天戒。深察已過。審禍亂耿著之因。通天人徵兆之故。用舍獲當。賞罰就理。則陰陽和。災氣息。美祥叶矣。父怒不及子。子日危。天怒不及人。主人主日惕。惟少留意焉。

前題

顧開雍

臣聞有道之世。災變叢興。而亡害于聖者。何也。其



譴告莫不有故。儆戒莫不有事。明王深察本末。知其將然而修德以勝之。故妖息而禍滅。亡敗慝也。夫亂氣將至。初皆有細微之驗。人主畧焉。不用改省。以為亡甚咎傷。行為自若。卒之喪害屢見。嗟慘悼懼。而勢已成形於下矣。故見有亂。然後弭之。晚也。待有甚而思救之。則不可為也。陛下敬事神祇。勤恤民命。覃訪聖道。日昃不暇。接見大臣。親覽章疏。可謂至仁甚盛德也。顧虜患未息。盜賊時有。天之殷憂。陛下方孔大。而頃者風草之妖。又告

形矣。羣鳥為孽。逞逞出見。臣聞之。詆繇人興。不可以不戒也。臣草莽下士。經術卑淺。緣飾鮮少。遭值亡諱之朝。廣聽狂瞽。得自申竭。志意不足以小効。萬一昭晰感應。死罪死罪。案五行志。視之不明。是謂不愆。厥咎舒。讖曰。黑白不別。賢不肖並。不能憂民。急氣為之。舒鄭玄曰。君臣不瞭。則舒緩矣。時則有草妖。時則有羽蟲之孽。臣案草陰類。臣下象也。結為寔勢。將日繁。又人馬者。兵象也。相倚而後行。宜有手握兵要。黨與比周。以濟姦者。記曰。不當華



而華易大夫不當實而實易相室。草無實而有實。居中者得重物也。相室得重物則離類者退。從類者進。實一成而不可變。類一成而不可敗。權移于中。積漸然矣。京房曰。王德衰。下人將起。則木生人狀亦此草妖也。陛下奮發總攬。斷不下徙。立賢圖政。樞無逮散。身側之叢。爲之攘夷。則患不作。而皇天之禁得矣。臣案萬爵同巢。君子小人共國之象也。久而不得。必有暴殘。是故是非定于上。而朋黨解于下。天下有道。邪佞退棄。天下將傾。其隣翩翩。

陛下喜忠亮。惡殘慝。久矣。而惡卒不遠。賢卒不先者。何則。繇失于旣用。而後擇。非知其可用。而用之也。未知其可用。而姑用之。故任寄方專。而短長畢盡。中道罷擯。天下解體。陛下一旦曠賢路。悟天戒。求于亡窮。天下之奇材異能。擇不勝擇也。若此。則君子登理。而小人竭傾。毀亡庸。上下蕩蕩。而皇天之禁得矣。臣案大風起石上。騰輕者皆伏。京房曰。厥風大炎。發屋賦斂不理。茲謂禍風之爲言。四氣皆亂也。傳曰。思心之不睿。是謂不聖。厥罰恒風。



睿言乎寬也。上不寬大。驕臨其衆。將恐決。臣案石  
民象土著者也。不安其所而重者先動。激之使然。  
爾。今天下之令嘗密矣。賦稅絞急。水旱不為災。郡  
縣痛毒以報稱。天子。天子謂為能一意督責  
亡。怨民受重困而明德下。雍天下方疾苦。臥嗟亡  
所向告潰而起。莫與衰息。宜也是故天戒若曰。爾  
所重非所重。所輕非所輕。反覆不寧如此。石云耳。  
可畏哉。陛下誠能發元元之愛。省重竭之人力。  
復久曠之土膏。如此則怨怒之氣平。興財之道博。

愷惠之化流而皇天之禁得矣。臣謹察天人之際。  
理相符。召以類相索。雖幽必顯。鄙直亡狀。未能揚  
摧纖末。以為區區之懷。無所留隱。陛下申覆變  
端。體揣情害。與天下更始。此天之篤佑。陛下而  
為此異徵也。自知言入身危。苟勤天聽。臣不避  
死亡之誅。惟陛下詳答。

旱對

夏允彝

今天子之三年。秦晉以旱饑。盜大起。連四歲不息。  
四年京師旱。天子徒步禱而不臻。五年東南又



旱夏五迄季。稼事日危。或以問蒙蒙。蒙蒙謹對。問曰。水旱更事也。今變起數方。唯魃之災。諸陰閉。耶而陽獨驕。對曰。陰過脅之。陽過則求。故水旱殺。稼等旱乃甚。大水滅涯。高原不沉。炕陽焦物。上下并熾。旱獨數者。天意殺物甚也。問曰。西北燥壤。唯旱所宜。東南水澤。肥溝澮。修何乃同患。曰。膏浚於北。髓涸于南。潤之灌之。歲輦以北。所餘枯脂。將焉取濡。問曰。唯古旱歲。或七。或三。熯若秦晉。乃劇耳。不雨二月。何重為茲。土虞對曰。彼為我郊。茲為粟。

土彼歲不為賴。茲焉泛舟。粟土不粟。拯援絕危。動成四方。其咸殆。問曰。鄉者旱在。京師。天子下走雨。不為臻。長吏即匍匐。徒自苦坐視事。若故宜。不為譏。對曰。長吏權重均。天子耶。天子苟垂恩德。下咫尺。詔幸寬民。民自蘇。遶不下施。僕僕徒步。名美可耳。于天下非有裨也。天宜弗為動。長吏奉朝。指日戕民。即心內傷。誰告者。疑無他能。唯日流汗走。頭搶地。號呼泣血。詎言誠格。亦計無復之冀。少垂憫。誠長吏事也。曷謂可已。問曰。春不收。



枯骨朽齒。則夏旱。今骨未莽。旱者數。運然耶。對曰。今骨肉誰者。潤哉。饑苦。桎梏。浚竭。敲枯。比今之民。咸骸暴也。問曰。憤嘆盈者。滂歡娛盈者。旱。吳晉之事也。以若所言。民病爲甚。其誰溢歡而逢若厲。對曰。民何乃自病。豪者獵之。狡者弋之。吏者蹴之。匪唯艾之。又絞炙之。民者之歎。數者之歡。爾不覩夫。從如雲。車如龍。而謂今之人。鮮歡。問曰。記有之。興師旅。勤衆勞民。則旱災應。然衛旱興師討邢。師出而雨。今欲已旱止戈乎。抑大芟賊也。對曰。刈賊則

儒刈民。則武。炕陽省之。驕莠而磔禾。弘其寬仁。奮其武飾。民出湯火。大旱自止。問曰。古者冤獄失理。天爲久旱。今吏治平明。何辜而臻此。對曰。日撻窮民。而曰爾曷不輸財。冤莫甚。問曰。今卒旱耶。或雨澤且至。幸半起。對曰。不能知。天子幸行成湯之事。省謫罰。緩期會。廩貧民。捐宿逋。長吏益宣上恩德。勤勤憂厥民。則雨必至。旱不成。不然。今即幸有年。來者不勝虞。蒙固不能知。知之者。明天子暨賢長吏。



黑虹對

朱灝

蓋聞虹者一名天弓，天有二氣而成，赤白為雄，青白為雌。春秋時五色虹見，迭照宮殿，為兵革之象。唐五行志云：虹乃日旁氣，斗之亂精，主惑心。主內淫，主臣謀君，主后妃脅主。太玄經云：紫蜺圍日，以喻羣小，則虹之垂象，無祥應可知。今色以黑著，黑屬于北，陽之灸陰，邪氛譴告。漢靈帝時，有黑氣墮殿如車蓋，騰起奮迅，身五色，長十丈，如龍，乃謂上天投蜺。夫虹義為攻，其宛曲偃蹇，勢既難去，且借

日為忒，遂令人莫敢指。蔡邕曰：虹蜺者，小人女子之象，虹之體依雲陰而晝見，于日衝無雲不能見。入皆知其麗陰而起，易知也。然太陰亦不見者，何惑忒之氣必乘明以相蝕，而明常不覺。虹非日之交，不能成其質，故每東西相互，傍日之光，伺竊其氣，以為亂禳之法，不先祛虹而在修日，日不矇其照，虹自無能肆其攻。此消弭之本乎。茲者內外宵人陰為固結，正所謂朝隰之勢也。內寵已繁，漸息勵精，又所謂鎮星為虹，化成婦女之兆也。語曰：虹



爲紛針。陰勝之。針之所向。無微不入。陰隱其刺。陽孤不存。誠能黜。圍日之邪。進。喬雲之賢。則災虹將下。化爲祥玉矣。虹紛朝覆。夕淫霖雨。所覆太甚。著見於天。臣敢以誠對。謹據應以聞。

前題

宋存標

陰陽之所交。往往有淫氣出焉。虹者。陽氣之動也。陽攻陰而勝。則陽氣鬱蒸而虹見矣。陽攻陰而不勝。則陰氣反覆而蜺見矣。所謂虹當雙見。鮮盛者。雄其闡者爲雌也。京房易傳所次蜺之類。有所謂

禽蜺。媒蜺者。其應多在後宮。而非語於今日也。夫蜺。浮物也。易明易滅。倏而亘天。倏而垂淵。是皆雲霧之輔翼也。而不僭日之光。則不明。借日以揜目。此小人乘權廢忠。惑佞之所致也。昔漢靈帝時。天投蜺矣。虹變而蜺。蜺變而蒙。黑白倒置。火雲蔽日。蜺之以黑著者。蒙之甚也。今見在下國。黑虹上升。白虹間之。回翔數里。沒雲而隱。其象似浮言無根。而揚塵易聚。亦易散也。凡人好亂之心。多起於浮。故聞風之談。易於市虎。搏影之響。危於投杼。言浮



則氣浮。氣浮則陽不舒矣。陰不密矣。不能遇雨而吉。自遇風而蠱安。所獲通理黃中而朱明正位哉。黑虹晝見。皆訛言不祥。齒舌爲禍所驗也。赤日爲虹。青日爲蜺。有以知黑青之非經也。

難

朱買臣難公孫弘朔方十策 李 雯

丞相言置朔方不便何也。即言匈奴強盛。控據穹廬。彎弧鳴鏑。靡堅不摧。陛下窮師武以征之。力勿能勝。勿築可也。今大將軍絕塞。斬生獲醜。樓煩白

羊馬菟挈而馳走。丞相以爲力弗能勝之。耶河南之地。非自今開也。秦皇帝遣蒙恬逐匈奴。因河爲塞。單于不敢窺兵長城。其後天下亂。少蠶食。于今乃復耳。丞相以爲非故。與今丞相曰。弊中國事無用。夫無用者。謂遠越而有之。若石田不可耕。如東之日。崛西之懸。度可以當之也。今河南之地。接軫關輔。且其土宜黍稷。號稱沃野。丞相以爲無用。而勿居。則雲中上谷北地。漁陽宜廢。耶且資匈奴以厚利。使之日甄脫其間。左馳右射。困擾邊吏。士不



得下壁馬不得解息而曰吾不弊中國也丞相計得耶丞相必又曰匈奴新敗其鋒未盡築朔方單于必來爭內疲畚插外鬪猛敵中國兵勿支夫夷狄之俗勝則風雨馳敗則鳥獸散彼方狼顧奔走惟恐盛兵之躡其後而吾聚數十萬之徒衆并日就工度其乘城不可拔矣丞相以中國萬里方輪轂擊乃不能事一朔方耶朔方旣城樓櫓高峙洪河鼓濤數千里間河伯爲守長城之固又增其壯也因是憑堅城開地利通橋道廣游奕春夏耕農

秋冬馳獵習匈奴之長技兼中國之蓄積傳世折衝之計又在于是也管黃河之利匈奴擅之輸將北邊路行曲多阻牛馬儼直費大萬計今以朔方臨河廣川萬里舳艫旁通匈奴不能與吾爭舟楫之間此又事之便者也又使匈奴無所投足于近郊窺當路諸塞而吾宿重兵于其間因便擇利出則絕幕入則守保是不示匈奴弱而重畏惡其心也且因是以通令居以西往往開渠屯田置爲亭障以望玉門陽關則西域城郭諸國可以漸通是



斷。句。奴。之。右。臂。而。制。之。又。基。于。此。也。豈。丞。相。知。之。而。不。言。耶。抑。不。知。而。言。之。耶。意。丞。相。習。儒。雅。之。遺。文。未。知。權。變。或。者。昧。陛。下。之。旨。不。欲。使。威。暢。于。北。胡。風。馳。于。南。粵。使。引。弓。之。民。南。向。而。笑。中。國。之。失。圖。丞。相。苟。安。之。以。及。身。之。無。事。也。丞。相。其。置。對。

諫官

彭賓

天下諫官之權去矣。去臺省之雄俊。入藩臬之羈絡。即何得綴諛詞。招寵賂。輒睥睨卿寺間。可否天下事。若神祖先帝時哉。雖然。折諫官可耳。以

事實究之。于朝廷非有益也。夫諫官之職。乘輿有過。則正之。大臣奸邪。則糾之。軍國之事。四方盜賊。水旱之災。則奏之。貪殘不職。則彈之。是以圖治之主。重諫官。諫官尊重。亦危。丰采足畏。則有所恃。而用其鋒。人主無壅蔽之虞。奸人惕而不肆。故諫官不稱。移其任。可也。唯阿廢之。可也。招權賂。誅之。可也。挫而抑之。其氣盡矣。且今天下之事。天子抗威嚴于上。諫官囁嚅。或伺意旨。無所發明。甚者關說為市耳。豈有妄言無忌。諱勢盛而不可制哉。然



此特在廢誅之列者也。非可爲名高以尊之也。而  
當事者曰。吾以難不肖夫。不肖之人。又何難焉。管  
者。肆巧便勤。請謁安坐。而不失爲九卿。今旣絕是  
望。容容而嘿。嘿安坐而不失爲藩臬。計得矣。且又  
安知不工人事。而覬非望乎。又安知不甘汚下。而  
饕餮乎。殆益驅而就之也。又非所以重藩臬也。夫  
藩臬之權。出郡縣下。遠甚。今旣出諫官。而爲之不  
得。與朝廷議矣。即安得不歛鋒處錚。乞憐上官。以  
庶幾一旦之去此。且勢弱者。又不能振也。又非所

以重卿寺也。今甲曰。以待軍功與勞。是勸外事也。  
非獎諫官也。直言極諫者。旣不得列于此。當事者  
或去所憎。而其所愛。以其名蒙上。不可得而禁。則  
卿寺之選。又未必當也。或曰。駁大僚者。勿當此。則  
傾危者。託者。優爲之。又婦子女人之說也。獨可議  
者曰。太祖之世。臺省擢監司者。爲不次。而今爲  
失職。此不平之論也。太祖之世。監司爲外執法。  
得彈壓諸吏。爲尚書侍郎中丞者。比比矣。今雖有  
之。顧可望乎。漢故事。諫大夫。刺史出爲郡守。然郡



守治得專達。稱職而爲御史大夫丞相矣。今又有之乎。夫諫官之任。秩卑而賞厚。故勸功樂進。不苟自全。吾神祖之優諫官是也。其所優之諫官。非也。獨奈何苟抑之。以爲快乎。抑之而快者。曰諫官之選。輕妄一庸人。未知其直言極諫否也。工巧而財足。彈惠文之冠。建直指之旌。纍若而升者。不可勝數也。不數年而爲列卿。則何以服天下心。故愚爲今計者。莫若精諫官之選。上計之歲。集京朝官之有譽望者。屬吏部使得博議天下之事。若古之

諫官者。課其能否而入出焉。其郎官之遇事不阿。通曉大體者。亦與此選。務以簡其數而得其人。其次假藩臬之權。使得專達。如屯鹽漕馬等使。無出御史皆得以若屬爲之。事畢奏事京師。不壓于上官。其著績者。或入而九卿。或出而開府建節。皆不爲之限。然後論次諫官。第所言以爲殿最。若九年之中。言事中十五以上者爲上第。上第爲列卿。十以上爲中第。中第爲藩臬。五以上爲下第。下第爲郡守。爲諫官一年而所言一不當者爲不職。不職



者罷去。或行能清謹者爲郎官。其御史之使于郡國。而能搏擊豪強。驅鋤惡吏。甦民剔蠹。不爲煩苛者。爲稱旨。一稱旨。當其言之三。一不稱旨。絀其言之五。甚不稱者。付吏議。如此則諫官之鄙者。必不能自遁矣。其賢者。益自砥礪。立于內而威于外。其爲藩臬者。固不減其聲姿。且因可以建功名。而其爲列卿者。皆剛正有體。積聲績而爲之。吏部不得削望實而行已意焉。故可以重諫官。可以重藩臬。可以重卿寺。可絀大吏之私。若夫逆情而御之。倒勢而制之。曰吾不爲諫官私。而可以治天下者。臣未敢爲。陛下信也。

幾社壬申合稿卷之十六終



英振主申合離卷之十六

未類焉 對下言也  
幾而歸之曰吾不為爾官味而何以命天下者耳

幾社壬申合稿卷之十七

華亭楊

肅

徐鳳彩

盛翼進全選

策文

擬漢武帝太山金策文

李 雯

元封元年夏四月皇帝臣徹登封太山肅恭戎事  
敢昭告于昊天上帝惟天純佑大漢五世丕昌予  
小子不惠洪承大歷震于厥躬永惟吾祖宗奕世  
登明越予小子不敢荒祗釋帝思庸民以自懋式  
宗萬邦悼九夷勿靖曰余民侮不敢廢上帝命哀



師越。岨三十有二。君降旗。奔旅。惟匈奴。惟越。惟閩。惟甌。咸服其辜。南海河陸。擴吾四輔。惟帝威。普將。微罔敢自許。欽厥心。惟日。惟夜。亦莫知所承。和樂。敦禮。肆上帝降休。則亦惟有日月星辰之祥。山川。草木。咸貢厥祉。民獻有萬夫。端端皇皇。來告于庭。曰。天乃臨裕。大不可無報。用祇厥後。肆予小子。勿敢讓禪。茲東土輝耀。光明天亦惟。斐忱。洪惟吾萬。方之命。基予一人。是用積行。度思。逃聽。遐觀。太乙。靈星。八神。三山。非予一人。妄有汰心。何帝之成。休。

樂永保康。乃三月至。緱氏。肅若有聞。遂東巡海上。神靈取著。誕降臣趾。豈上帝之大祐。徹躬秩秩。蒸。蒸。俾予一人。植固。吾大化。用扶天助。壽四海。介福。無疆。嗚呼。謔若茲。雲景恢奇。四氣肅明。靈符告珍。協于休經。予小子敬拜神施。鴻衍布茲。保乃國。艾。乃民。賁敷。乃聖緒。與金石固。

冊文

冊狐文

夏允葵

冊曰。朕用不聰。覆厥群育。唯在位。摯亢罔余一人。



克諧朕悼厥心。弘敷梁山穴。有媚于朕志。爰命予  
 弼。唯爾狐綏綏來儀。萃應朕求。朕用爾休。用錫爾  
 典禮。其敬聽朕命。朕唯有眾懟。咎亦罔或克化。唯  
 爾狐彙茹。柰咀襄爾秘功。秘功用成。爾形乃數。貧  
 亦粉厥頰。亦良厥須。用兩御于陰陽。厥惟爾才。誰  
 余禦侮。曰唯善奔走。唯爾狐克。健爾馳朝。莫儵掉  
 罔踪。爾趾厥唯。爾能有喙。其慳有蹄。其跼眾字。以  
 仁視朕眾。沸騫則莫。或用戢朕命。爾導余眾。用慄  
 匿罔聲。朕慝厥惟。爾威有孤。其角謹號。曰獬豸不

嚮朕。憎而崇。櫻厥暱。匪爾狐于朕乎。娛朕。羶。曷。餌。  
 厥唯爾忠。肆厥不軌。媚爾駟昵。朱燎炎炎。曰唯爾  
 求唯爾不震。不懟馮厥城。自厲卒莫。爾嚮邇厥唯  
 爾勇。眾倖醜良。呼儔翕。頤曰莫爾出入。爾居郗曲。  
 不恒厥窟。蹇連并互。爾逝則逸。厥唯爾智。四夷弗  
 賓符。按罔臻育。爾於匪其樂。孔耽朕于于。晝爾丹  
 其服。朕于于宵。爾白其容。蓬蓬其後。用兆朕悠昌。  
 厥唯爾多材。藝鹿走於郊。化爲猳。獠。狎羊求食。哮  
 闕若虎。朕懼四顧。罔不朕嚙。唯爾左右。朕朕躬用



怡鋸搜之聲。朕斯不聞。厥唯爾能治。爾始爰立。衆咸爾尤。朕志不惑。爾後克麗。旣長百群。衆則爾服。嘉譽肆溢。訖於幽窟。徹于普御。朕視天下。卒莫爾類。朕聞能懋懋。實帝王循躅。故楚王雄霸。亡馬峻秩。衛乃辱主。其鶴乘軒。况爾迅才。乘鬼克嘯。媚茲之誦。見美詩書。能贖于彼。而賞嗇于此。朕甚愿焉。今以首丘之壤。環二百里。封爾爲胡公。用建玄社。衍厥子孫。又錫爾青珠百顆。用析授厥胤。世嗣爾媚業。錫爾丹袞赤裳。益沃爾顏。盡智破貞。罔

勿遜爾志。錫爾射犬之弧。犬至弧張。則莫爾嗥。况爾敢噬。錫爾驚精之香。敵爾臊人。則永祠爾爾。道用不衰。錫爾絳繒之囊。衛爾足捷。爾穿求周爾多穴。錫爾古鏡一定。爾疑偵物。將飛弭耳。逝取母後。錫爾氏曰。趙嘔淪吸。晶物莫肯捍。爾用是難老。錫爾嘉名曰紫。潛潛秣秣。迷陽亂朱。匪暗厥體。用嘉爾柔音。錫爾碧牘丹篆之書。用減爾謀。達於昊天。永左右上帝。莫爾傾爾其欽哉。毋凋爾赤母慈。爾術朕唯爾腎腸。爾均余休戚。



前題

徐孚遠

制詔丞相侍中領玄丘校尉胡紫少長名族翱翔  
 貴仕挺中和之秀寔據九六之神符通理識於繫  
 表知機彰於靈契以射策超異待詔門下省舉主  
 東方公諫可以君鏡上豐下姿制修整揚于王庭  
 除殿中侍御史內司服趙堯李舜迭舉春秋即其  
 任也君入侍幃帳有張卿之勤勞出請休沐類孔  
 公之淵默薦寵氣勢雅善公卿博雜多知才任肺  
 腑朕彌欲試君以事遂乃歷職中外績聞茂著彰

于先功則攸昌應夏作瑞開周方之於此曾何等  
 級議者喁喁皆以君宜在帝左右參與機禁今將  
 揚君之休烈君其敬聽朕後命君昔守專城敵人  
 不咸忌君名德乃收合醜徒因宜作氣君登陴授  
 兵慷慨長嘯敵則逡巡引却旗鼓自壞李廣之居  
 北平匈奴不入馬援之守隴右燒當罷圍君之功  
 一也白額英武搏食無厭君身入其穴權以譎衆  
 遂令彪闕之姿弭耳受教將命無廢獨步江淮百  
 靈震恐君之功二也君洞曉孤虛若指諸掌韓原



五  
之後。晉師倍我。筮而得君。惟敵是求。獲其大醜。師  
曠。驟歌。賁皇。夷竈。從容。決策。多于汗馬。君之功三  
也。君政成。睢陽。強梗。戢抑。東都。王老。包藏。禍心。牽  
策。罷足。將逞。志於君。亦卒不克。所部。清蕩。無或。鳴  
吠。君之功四也。越裳。雉氏。粗有。文蕪。本無力。用遂  
乃。驅扇。浮華。舉動。乖忤。辜負。恩紀。孰謂。可容。君應  
時。掩捕。不惑。人言。華士。之戮。稱于。鄭志。聞人之。誅  
方。于魯。刑君。之功五也。君一志。奉公。恥以。恩澤。自  
樹。幕府。親信。咸以。義裁。生平。恩故。無或。私請。埋櫓。

之。頌。得於。與人。無偏。無黨。王道。蕩蕩。君之功六也。  
君。檢校。秘書。收視。圖籍。而守者。不戒。國典。淪放。君  
乃。大索。遺佚。手得。靈文。應天之。章。藏于。內府。蕭何  
入。關。財帛。無取。王允。遷洛。載書。數乘。君之功七也。  
河。津。之。間。民。苦。其。魚。君。乃。先。驅。立。表。百。萬。之。衆。資  
君。以。濟。君。之。功。八。也。君。爲。政。孳。孳。常。得。民。和。大。小  
恩。乞。無。不。給。贍。于。時。婦。女。飲。食。必。祝。粢。布。相。梁。遂  
有。俞。侯。之。社。盼。子。守。齊。皆。祭。東。門。之。鬼。君。之。功。九  
也。君。有。此。九。功。蓋。莫。茂。焉。加。以。緣。階。日。月。呼。嘯。風



兩便蕃常侍之省。出入紫微之庭。總錄諸條。一決于中。朕倚君以治。無或迷惑。齊桓之于敬仲。言則稱聖。宋武之於道民。動必見容。君之謂也。君又朝夕給事。憂國如家。善任疾惡。出自天性。非類者必去。不無窮髮之威。愛我者知懷。遂有擊尾之報。行父之事。君取其無禮。成子之讓。善是曰知人。君之諸昆。曰封。君之弱弟。曰蠆。皆一心於主。盡力自効。至於蘊憤。渡湘之士。被罪涉江之夫。或虬髯直視。鞅望當塗。或掉臂行歌。流言醜正。莫不捷步扞關。

斷其要領。飛文激射。勢甚風沙。今者在朝。師師人無間言。君烈隆於丘山。而賞薄不稱。朕甚怒焉。今遣冠軍侯勇。巴西侯賓。持節冊君為中丞相。青丘公。其以東海十郡為青丘公封邑。殊禮優冊。所司其依宜條上。朕其與君通屬籍。君男女在襁褓者。皆以名聞。賜霞袿雲紉。得引入殿中。君其專思慮。益精神。時自娛樂。稱朕意焉。

前題

李 雯

冊曰咨汝狐廓。穹浩維引。靈沉愚日。月惟節鮮。變



高羈山黨川污罔有奏治。幽文秘功。墨寘不徽。越  
 囊疵肆蕪靡。有魁瑣惟汝德。克不有競。彊罔曰子  
 龍豸次次。且且秉火。負黃吐文。協機亦謹。體勤將  
 瀆岳四五。波淫蟻蛆。不辱不薛。以不汝禦。順處  
 茹亦惟豐溫。匪角匪牙。以在于左右。肆詔余群萌。  
 蜺雲霧不妄。接屏余用以信安。炤炤在下。用康  
 于紫庭。用錫汝難老。宜陰宜陽。膚朽吹枯。衍道固  
 藏粉頰。視祿和脂。惠荒噉頤。英榮元蘭。聚光合其  
 九六。升于玄房。曼衍誕肆。下理拓坦。載登闔闔。無

有寘吟。余厥終乃倚。玄業豫茂。欽乃功。錫爾青丘  
 金鼎玉輿。荐于上公。班寅韓戍。惟率惟從。鵲冰不  
 慄。雉膏孔腴。宜爾孫子。青珠丹書。用紹乃紫。祖岐  
 尾鴻壽。明帝瑞祥。

前題

朱灝

山君氏。耽欲爭長。世畏其猛。率曠野。遇狸首。慘尻  
 捷若猱。猴者欲得甘心焉。若止之曰。無留我。若屬  
 應熱服。母酷急也。山君據扈。不屈。乃出天帝。勅眎  
 之曰。青丘侯。裘紫爾之先。淹伊陰譎。世通天命。以



乞九命爾雄才汜濟小心如玆既協祥符復標德  
至錫爾滲澤之邑雄伯百獸以張大美爾自表龐  
龐綏綏可爲青白不易獵取爾筮宰淇梁好鬼恠  
近姪娥令人象息彼張牙鑿齒敗乃事者爾以色  
尚中和瞻顧前後自爲首尾彌縫其闕未修厥職  
念爾孤生感乘桑多皮好往愆悉置勿理寵新再  
命毋復適巡爾素念本知危果無躐等無挺險有  
仇爾懸金相構者近去肘腋用獲日有禁俾爾寬  
裘華哀與諸侯卿大夫相表裏以決疑治爾善視

聽凡碣磬觸突定託窟營髮鬚蚬蝮瘁文磨欲者  
俱得先密以聞惟益勵貞行去媚狀終嘉與之令  
長有首丘母易尔守

制辭

戲爲授臆氏制辭

徐孚遠

門下西閣舍人守游佃使者褚昌地實華望識涉  
通微名編玉策之府體散金衡之氣少嘗學禮似  
孔父之益恭長而有文得漢皇之器重加以風情  
閒朗高踞撫軍之床機鑿不凡擅絕丞相之譽遂



乃便蕃入仕。參承內省。賜沐罕出。效日。碑夙夜之。勤。君舉必先有塞。侯周密之慎。在公盡節不避。熏。燒。國。尔。忘。身。豈。惟。膻。腎。雖。竊。脂。之。議。或。見。裁。于。吏。人。而。依。社。之。誠。乃。戢。心。于。有。識。至。於。握。籌。殿。上。投。理。禁。中。莫。不。洞。曉。於。心。如。指。諸。掌。是。周。假。之。璽。符。觀。其。政。事。初。試。河。東。底。三。歲。上。計。之。績。分。竹。隴。右。致。千。倉。大。舖。之。誣。豈。直。西。門。鄴。城。之。守。諭。其。神。明。見。寬。內。史。之。租。比。其。殿。最。哉。惟。茲。倉。部。國。計。所。資。大。農。置。丞。開。籠。郡。國。常。平。賜。爵。和。在。得。人。而。不。令。

之。臣。有。扈。氏。自。處。膏。腴。恥。問。錢。穀。致。令。筐。篚。入。都。恣。其。囊。橐。紅。朽。殷。地。適。委。泥。沙。凡。爾。所。司。莫。非。罔。上。用。絕。漁。蠹。在。我。信。臣。必。使。披。圖。秦。府。具。戶。口。之。贏。虛。漕。粟。漢。年。徵。百。物。之。僥。乏。可。進。昌。秩。大。中。大。夫。上。儀。同。仍。兼。入。內。都。知。依。前。閤。門。祇。候。檢。校。殿。前。錄。事。權。判。尚。書。度。支。行。搜。粟。都。尉。勲。封。如。故。嗚。呼。用。爾。入。穴。之。智。笑。兼。行。截。角。之。威。名。刺。奸。則。毫。毛。必。繩。轉。漕。而。舳。舻。卸。尾。可。依。前。件。主。者。施。行。教。



擬修淮陰侯廟教

陳子龍

夫。英。姿。歇。淪。後。景。猶。篤。懋。功。邈。焉。更。積。愴。悼。淮。陰。侯。挾。策。奇。通。奮。功。危。大。拔。濯。之。際。赫。然。照。人。取。威。橫。決。莫。識。本。要。原。其。舒。立。吾。無。間。然。泊。手。解。樞。上。將。結。綬。真。王。受。縛。雲。夢。廢。置。長。安。單。辭。見。收。異。門。丹。宗。疑。訥。錯。交。功。禍。同。烈。矣。抗。心。憑。古。偉。跡。非。遙。流。運。撫。今。曠。雄。莫。借。瞻。懷。舊。楚。廟。貌。曖。湮。跂。彼。碩。人。浩。浩。荒。野。夫。楚。霸。威。神。屢。擯。淫。祠。漢。家。俎。豆。已。蕪。原。廟。獨。此。幽。靈。永。為。常。祀。嗚。呼。瑯。琊。王。業。不。用。

徹言桐栢神宮仍無噲等可理易楹桷侑進鼓鐘  
稱其俊軌况我緬思主者施行

前題

徐孚遠

綱紀蓋聞尚想英烈撫迹緬然輟食興嘆式瞻斯  
在淮陰侯挺邁上之妙才投特起之天際彪闕如  
雲指顧作氣筭畧淵邈高下在心帝劉之業一人  
而已及其表茲東海掩耳三分跨割青社便謂終  
焉至于破檻就侯徘徊朝列甘心末規卽事難望  
然而單辭繫組連宗殲殄遂使英主太息謀夫請



烹斯則枉橫兼常悼慨自昔者也。雖配食漢廟，有異蕭曹，而秦憐杜郵，楚悲江介，遺宮枕淮，瞻企風規，倅想彌深。但棟宇頽脫，神貌悽愴，邈而無依，情寄焉託。夫環綿表會，犄往哀來，身沒祀存，有功則舉主者如教，以時修飾。

前題

李 雯

夫懷奇眇代，事同朽駿，沉英絕羅，挹其遺景。淮陰侯發跡，颺厲運畧，通廣游刃，群雄漢鼎，用寔寢戈，鏘於已疲，棲謀士之傾辨，逸奇恢大，鬱為功首，旣

而躡足之躉，遂深解衣之恩，難恃狙縛，挫壯羞其比肩。丹夷橫施，胤絕氓隸，功謗相準，良云大酷。然而鼎劍滔忍，截其武強，英猷式憑，遂司幽契。春惟古烈，渺矣悠哉，昔信陵魁俠，置戶魏都，董卓厲鬼肆食，涼域况此駁雄，乃鄰豐草，當今獵敵之思，動杼徒嘆，鑿凶之寄，聽輦輒警，方將吊白，起於杜郵。享蒙恬于北塞，而縹緲淮汾，殆同小鬼，求之祀典，不其赧而嗚呼。雲夢載車，封侯亦偶，胎簪綿祀，如帶常留，可弘其棟棟，新厥丹堊，副吾逖思，高勳式



仰主者施行

前題

顧開雍

綱紀夫鴻功在器輔光彌遠昔猷緬邈傍嗣增懷  
淮陰侯投力傾天圖隙武世智邁英思挺皆不戰  
體魏上畧選則奇才固已擅周牙而韜猛契齊吾  
以發機矣泊乎踰濟銷風浮江靜土光皇自帝徒  
步假王則有道極人臣義淵國禮者焉原夫三分  
搖足之年雲夢流離之日神人悼嘆功業無名茅  
土歇靈于舊楚神貌存英于綿祀尚想遺風永聆

衰痛何可使哀湍在道壞雨棲楹恭敬墜夷莫此  
為甚夫毀祠禁淫不赦重瞳報怨傾危未遺忍詢  
便可以時修舉崇大榱桷用使漢室戎功昭列淮  
浦日月報嘗自茲日始主者施行

前題

彭賓

蓋聞帝開翼亮丕著青藝前蹟邈焉後懷彌邵淮  
陰侯風颺落落鮮所契本遐邁龕危蓋安杖順當  
其頓辱不聊猶無難色斯夷觸險塞驅扇在握也  
若夫隙機作執任謀成律兵法無羈虔劉城邑覽



其英畧可曰少。雙然而志遂。假王身。隳偽遊。功斯烈矣。禍亦酷云。嗟乎。躑躅懸命之年。天物托手。感懷。餓隸之日。淮水濁流。即杜郵之慘。瘁堪。怛况。漢代之衣冠。同盡。忍使。丹楹。鼠穴。俎豆。塵封。悲遺植於松楸。哀餘魂乎。墓草。可蠲。潔修治。用葺舊廡。致薦以時。毋廢祀典。

前題

宋存標

綱紀夫論。功先世。拱木垂榮。興感前賢。丹楹勿替。淮陰侯。奮跡為勇。屈伸從時。忍耻圖功。艱貞彌烈。

泥。蟠未際。澤婦資身。風雲漸躋。手臣推轂。壇上決策。助赤帝之元勳。關外分符。典應龍之神運。固使喑啞失雄。縱橫退策。庶幾邁功。秉鉞踵德。奉水者矣。若乃變幟亂容。沉沙塞渡。驅不教之兵。行無師之智。解縛懷賢。魏降而趙收。民譽奉書。馳響燕下。而齊無堅城。尤天縱奇謀。亮工有造者也。雖假王之請。隙啓帝心。紹賀之謀。毒罹后阱。鐘鳴長樂。怒飛淮水。弓藏雲夢。響咽驚飈。頓使穀荒。履蛻成孺子之名。風起雲飛。遺猛士之慨。其尚伐石投誠。招



魂舊恨。聖金飾。聽鼓舞。新觀無。今榛莽。丘墟橫。碑  
野草頽。垣燐火。鉸鬼寒。烟漢祠。何存愧。報功之負  
義。雄姿不。爽壯。備志之流。裡主者。施行鳩工。罔怠

表

七夕戲上天孫表

陳子龍

陳子立意孤矯。無所歡滯。雖迹異東家。而貞同柳  
下。遇夫才人。致士嘆艷。誇妍見贈。綺之眇娛。覩遺  
簪之淪約。未嘗不沉然寡笑。介爾揚詩者也。其友  
徐子儒家者流也。疑陳子性不及情。行與相類。陳

子謝不願。因曰。予有深嗜。隱者有年。當夫春攄曉  
明。秋迷幽翠。觸蘭菝之惠。負披星雲之麗。文萬緒  
橫。出力窮閑。杜矣。有人如此。亦可微動。時當七夕。  
相傳天孫。以是日。嬪于河鼓。戲為表以告之。証前  
執徵後尚也。并以謝徐子。  
臣聞麗精之極。天人同心。感協之符。幽靈所託。故  
道非太上。途假歡愁。理絕人區。情如禮俗。是以江  
臯小佩。尚解人間。巫嶺閒雲。猶書王夢。况微生之  
眇質。敢獨立以為期。未有抱懷舒妙。履近木迂。展



息幽。通。道。繇。枯。滅。者。也。伏。惟。天。孫。紫。落。至。精。澄。河。  
 冲。體。揚。夜。姿。於。寥。廓。矯。逸。心。于。靜。明。而。猶。托。降。星。  
 期。綠。情。秋。諾。結。西。壻。之。靈。配。臨。北。渚。之。神。橋。此。乃。  
 高。瞻。澹。選。不。賣。塵。雙。遠。允。真。棲。難。恣。曼。御。已。是。以。  
 漸。臺。撫。恨。昭。潔。華。年。鴛。杼。停。文。憑。歡。天。步。斯。清。娛。  
 之。上。景。玄。情。之。極。邈。也。臣。觀。世。人。多。營。鄙。樂。伐。腫。  
 株。於。下。壑。徒。詫。逢。英。觸。腥。氣。於。鮑。家。已。誇。珍。腴。畧。  
 彼。妍。辭。徇。其。穢。逐。颯。昏。寢。質。即。是。窈。心。橫。目。對。聲。  
 便。為。巧。笑。觀。其。荒。厭。無。異。光。華。獨。臣。孤。懷。未。嘗。效。

寄。尋。芳。野。甸。每。遇。蒿。蓬。流。眄。名。家。難。雕。琬。琰。故。嘗。  
 默。默。素。外。寂。寂。凝。中。秉。義。則。章。華。大。夫。居。貞。則。魯。  
 國。男。子。然。當。綺。風。之。扇。地。或。修。娥。之。耀。天。未。嘗。不。  
 憑。來。景。以。握。烟。期。激。新。章。而。息。月。約。薦。心。空。影。不。  
 見。羈。鸞。屬。夢。層。雲。多。逢。斷。鵲。始。信。鍾。情。之。士。未。登。  
 冥。道。之。途。也。天。孫。光。度。清。都。經。緯。天。闕。或。賜。臣。上。  
 元。之。寶。籙。中。黃。之。秘。篇。去。此。骨。滛。靡。與。天。欲。遐。思。  
 并。釋。綺。語。頓。忘。若。以。靈。修。仙。契。本。許。傷。心。玉。質。蘭。  
 懷。無。妨。留。意。亦。當。使。竒。姿。投。素。壤。體。宛。來。牽。搖。曳。



於淵文鬪芬芳。于逸調亦人間。之至茂宿心之傾。  
尚也。毋令瑤城竦峙。揚翠水而如天。月殿高涼。搗  
玄霜而長夜。則曠慕彌深。馨香獨抱矣。

前題

朱灝

臣聞王姑下降。先解赤轡之裝。青女司權。自成白  
藏之候。時稱同道。功作合符。景旣爲澄。節亦名綺。  
伏惟天孫。組織輪光。黼黻靈化。稟泰元而發彩。耦  
媪神以駢竒。絳河浣連貝之章。金漢次編珠之製。  
華張玄闕。繡刺清都。處遠紅雲之居。游出白榆之

寄尋芳野甸。每遇蒿蓬。流眄名家。難雕琬琰。故嘗  
默默素外。寂寂凝中。秉義則章華大夫。居貞則魯  
國男子。然當綺風之扇地。或修娥之耀天。未嘗不  
憑來景。以握烟期。激新章而息月。約薦心空影。不  
見羈鸞。屬夢層雲。多逢斷鵲。始信鍾情之士。未登  
冥道之途也。天孫光度清都。經綿天闕。或賜臣上  
元之寶籙。中黃之秘篇。去此骨滄。靡與天欲。遐思  
并釋綺語。頓忘若以靈修。仙契本許。傷心玉質。蘭  
懷無妨。留意亦當。使竒姿投素。瓌體宛來。牽搖曳



於淵文鬪芬芳于逸調亦人間之至茂宿心之傾  
尚也毋令瑤城竦峙揚翠水而如天月殿高涼搗  
玄霜而長夜則曠慕彌深馨香獨抱矣

前題

朱灝

臣聞王姑下降先解赤轡之裝青女司權自成白  
藏之候時稱同道功作合符景既為澄籟亦名綺  
伏惟天孫組織輪光黼黻靈化稟泰元而發彩耦  
媪神以駢竒絳河浣連貝之章金漢次編珠之製  
萃張玄闕繡刺清都處遠紅雲之居游出白榆之

外茲逢離鏡初合望鈎乍斜鵲成梁而啓晶簾石  
空杆而開瑤戶絳縹練白容裔查青玉箱從載瓊  
珮垂蕤騁鸞軾于天街逶迤九轉棄龍梭于別渚  
未報七襄烟袂時開覺商風之甫會霞裳既曳知  
大火之初流百和自滿虹橋七寶復光雲路粧燃  
貝殿纈幔琳庭龍燭舒文長照金壺之夜鳳簪施  
耀分映珠闕之顏麗景已傳色絲遊光更依玉柱  
鶉尾修而堪發軔兔日明而晃浮潢霧席薦重星  
曆勺次織停霜緯步動月輪未斷蘭膏上懸長命



之。緒。遺。歸。驚。駟。重。理。合。錦。之。機。臣。刺。心。非。繡。木。腸。  
 乏。華。乞。靈。化。工。斷。摧。世。綺。所。異。機。杼。自。出。勿。集。碎。  
 錦。之。文。經。緯。別。操。能。同。迷。日。之。色。玄。黃。在。手。璇。璣。  
 吐。胸。河。鼓。鳴。其。聲。聞。天。津。濯。乎。息。縷。謹。設。祠。奉。表。  
 上。進。

檄

擬軍府檄諭登海反者

陳子龍

國。家。於。爾。恩。甚。厚。戍。海。上。甚。安。東。征。甚。無。功。今。所。  
 為。甚。背。不。即。歸。司。寇。暴。縮。山。海。間。甚。困。皇。帝。勿。

忍。遽。誅。假。命。網。鳥。俟。爾。為。計。夫。鼓。行。乘。傳。繹。糧。溢。  
 漿。容。與。安。進。不。見。敵。而。返。歌。嘯。歸。休。何。所。患。苦。擅。  
 掠。原。野。入。城。邑。屠。富。民。殺。長。吏。囚。逐。節。鎮。僭。被。章。  
 服。反。形。已。具。將。率。之。罪。不。勝。誅。于。法。同。惡。舉。軍。戮。  
 皇。帝。猶。念。爾。衆。迷。惑。失。志。牽。於。猾。帥。脅。從。非。本。  
 心。有。意。賜。爾。生。重。念。爾。遼。士。逆。胡。犯。節。家。室。俎。醢。  
 焚。居。戮。孥。而。爾。乃。越。荆。蹈。海。歸。命。本。朝。國。家。雅。察。  
 其。志。厝。之。樂。土。寵。為。義。卒。尚。欲。資。其。家。憤。奮。心。狂。  
 胡。是。爾。於。國。家。為。險。阻。之。臣。國。家。于。爾。有。德。音。之。



勗也。一旦忿發微動，喪智極凶。舉無名之兵，玩不  
 測之罪。幕府重為爾惜。幸皇帝寬仁，勅將士緩  
 收爾。雖闇昧，豈尚罔死所。獨以身蒙大惡，知無免  
 理。不能歸死耶。昔漢高至仇暴也。許田橫以侯王  
 光武於朱鮪仇也。釋而用之。自古帝王行大度之  
 事。非爾輩所知也。及者謂爾曰：我居四戰之國，進  
 則伺隙而動。一旦事急，我駕樓船，棲群島，頃刻千  
 里。莫我何也。更鬱鬱東走胡，為導。即今日往，明日  
 富貴矣。是重誑爾也。山東承平久，向者不設備。故

為爾破。今兩府銳士集青濟，民兵百萬，林立能戰。  
 來耳。管島兵羈泊，仰食縣官。時時困絕，叫呼不聊。  
 夫風濤龍螭，非人力所制。今爾欲專專為盜于中。  
 餓魂流離，填盈魚腸。顧自快歟。且爾祖父為虜，腊  
 脯矣。妻子入穹廬矣。爾其餘耳。當其來時，頭如蒿  
 莉，面若焦木。墮指折臂，不復狀人。國家以爾厲憤  
 激昂，洗除至痛。今逍遙數年矣。上之不能破軍，摧  
 敵。建方面之勲，下之不能懷。亦挾策報傷心之怨。  
 化為殘賊，負恩絕物。甘陷讐敵，投身賤虜。何自棄



乎。且爾以降虜利也。虜性克猜。不念親戚。虐物獸  
 心。管漁陽叛人。望風投誠。親獻都邑。悉心導逆。功  
 至渥也。彼將以分之。畜牧禪號。名王曾不旋踵。手  
 自誅戮。或委之而去。邊將獲之。受國上賞。固知叛  
 人。自負惡名。就虜誅耳。况爾於虜無尺寸之功。有  
 丘山之疑。窮而歸之。非重也。昔貳於虜。非信也。挾  
 數十萬金錢。抵岸即何得。非虜物乎。非大利也。適  
 足以死爾道。窮矣。禍福明甚。且爾見曩者為逆。何  
 人得全。河西殞將。凶卒刺心。秦晉劇盜。頭行萬里。

閩海亂者。徒與吞噬。屍漂狂波。人知不敢動。獨爾  
 欲為續耳。其速自為計。勿為一夫殉。生為逆徒。死  
 謚愚鬼。今與爾約。拔身來歸者。赦所犯。與更始。有  
 能斬反者。首以獻。爵之朝。幕府不食言。後不復有  
 言。

前題

徐孚遠

幕府告諭登兵反者。為計不詳。干犯嚴誅。抵罪之  
 日不久。屬者虜絕新城。濟師不力。幸得蒙恩。罷歸  
 供。待優贖。所須無不畢給。不能約勅。兵至如寇。遂



乃驚遽過所。劫殺長吏。潛師襲鎮城。迫逐守臣。擁  
 兵不請。乃欲為非法者。甚悖爾眾。故遼之逋民也。  
 虜大入遼。不能守墳墓。轉死流移。甚可哀傷。陛  
 下憫念失業。命使者持節招慰。又念爾眾敗氣不  
 復。不能披翦荆棘。創立軍府。徙爾累重。置之善地。  
 立宅收孥。皆仰縣官。登雄鎮也。邑藏萬家。東郡陸  
 海。資其饒沃。人有齋裝。德至厚也。陛下以遼人  
 邊地習戰。有數世之怨於虜。擇材官勝兵之士。數  
 千人。授以甲編之卒。伍為一軍。兼糧厚賜。國豈有

負也。誠當奔命死節。不反顧以謝。陛下凌河之

役。關輔之師雲集。焱逝豈假偏卒。而後濟哉。徒恐  
 雄帥奮威。誅夷滅類。爾眾隔絕內地。無分寸功。以  
 報父兄之積耻也。故隸爾眾於東師。爾眾怯懦。無  
 方畧。不彎一弓。不折一鏃。遷延入關。猶復作氣。倚  
 強。睥睨平民。邀求非據。小不如意。恣行不逞。幕府  
 省覽。所被文書。罪至深重。皆非國典所當除宥者。  
 也。陛下寬大。不樂成人過失。哀憐遼民。甚久。知  
 近者倉卒迫脅。非有積釁。徒惧法怯死。以致失圖。



加以不才軍吏。教訓無素。樂禍倖變。註誤爾衆。坐受夷滅。誠可傷痛。又聞所得文武吏士。皆善遇無害。移書陳誠。觸首擊地。益明非有惡心。幕府統率熊羆之士。龍驤虎厲。于此青齊義勇。天下稱強。海島舟師。制其奔逸。決策電掩。有不摧滅者哉。誠欲安輯而已。不求奇功。若能捕斬首事。成師乞降。即除所坐。比捕斬反者。功或束身歸罪。即與放免。仍錄置伍中。夫非常之恩。不可數得。若躊躇不斷。庭議決行。雖固縛自歸。制詔不得受。身為鯨鯢。妻子連誅。後悔不追。其詳息無忽。

擬滇撫討普酋檄文

徐孚遠

蓋聞域分周世。華陽有益地之。曷吏設漢年。若水表過日之道。蒼山作鎮。點翠南中。洱海環流。涌珠西葉。我大明之御奄宇也。兩軍授律。雙江遂通。十旬入滇。五尺無壅。豈但飛鳶墮水。虛映銅柱之隣。雲鳳集峰。徒置玉局之陣。固已白人一族。書名王會之編。炎州小波。環流太池之液。清平曳杖。朝看赤藤之來。蠻子渡橋。夕泛皮船。以上封蛇岐尾。



蛇。蜒。息。鈎。岸。之。鋒。雄。虺。九。頭。風。雨。撒。吹。沙。之。毒。疆。  
 隅。清。蕩。二。百。餘。年。送。賊。普。名。聲。者。惡。雖。盈。貫。種。實。  
 卑。微。一。嶂。是。居。異。沉。木。之。貴。族。百。人。為。部。非。浮。竹。  
 之。寵。王。加。以。罪。人。之。子。矜。而。弗。誅。責。其。力。用。還。之。  
 故。落。然。而。狼。心。難。畜。長。便。齧。人。鷹。性。不。馴。飽。則。颺。  
 去。地。接。鈎。町。常。息。刻。木。而。射。漢。俗。染。盤。瓠。即。欲。長。  
 喙。以。吹。堯。馬。龍。之。後。受。事。行。間。遂。乃。因。緣。黨。人。叨。  
 竊。國。寵。上。功。幕。府。曾。徵。汗。馬。之。勞。開。賞。專。城。彌。有。  
 翼。虎。之。勢。遂。使。九。隆。舊。服。耻。與。會。盟。百。濮。遺。人。

言。冠。帶。不。息。量。已。以。榮。為。憂。謂。國。無。人。即。事。成。繫。  
 負。其。犬。羊。之。力。畜。以。蛟。龍。之。池。闌。出。財。物。以。擅。無。  
 名。收。召。逋。亡。增。其。翼。足。如。雲。之。鍾。略。地。者。盈。千。聚。  
 雷。之。徒。勝。軍。者。滿。萬。劫。畧。四。出。編。于。澂。廣。之。間。保。  
 聚。三。垂。亘。以。沅。臨。之。郡。蠶。食。諸。夷。攔。然。不。請。梟。視。  
 漢。土。倖。我。多。虞。露。刃。而。對。勅。使。如。坐。山。頭。畫。步。而。  
 窺。嚴。城。似。行。平。掌。馬。耆。之。沒。田。方。此。非。劇。宛。王。之。  
 留。馬。曾。何。足。云。是。而。可。忍。孰。不。可。容。管。者。衛。辰。餘。  
 種。方。亂。關。中。禿。髮。遺。孤。即。擾。河。右。尋。斧。不。斷。叩。囊。



曷追况今鬼區擴定南服晏然繕我壯師以臨小  
 醜飛走之路遂絕指臂之援已窮去五月十七日  
 巡撫都御史王征南將軍黔國公沐監軍御史趙  
 悉發蕃漢之師視以順逆之效作氣摧城則山岳  
 自隕長呼入陣則雲霧為飛蝟戟而剗骨都之頭  
 生難歸帳流矢以射郅支之鼻死即懸街然猶廣  
 開形勢故緩嚴誅使其悔禍來歸我則舍垢何有  
 賊猶不悛游魂假氣鼠在窠穴強為車馬之容魚  
 入釜中方有江湖之望率其百心之侶難得人和

擲其指掌之舌自謂我大豕突為勇蟻聚實繁蔓  
 而不除文焉可告幕府早承方畧肅稟天威金鼓  
 震于玉几聞者知亡旌旆轉于坤山見之動色固  
 已人百其氣滅此崇朝况乃蒙段見凌涉祿懷侮  
 徵軍給食如報私讐束馬投驅還成敵國豈惟桂  
 林象陣直用摧鋒建水鹿園偏能觸賊放九峻坂  
 不勞轉石之勤振卵危巢寧假拔山之力一戰而  
 定今也其時土官游擊某某土官某某土舍某某  
 漢兵游擊某某虎豹營兵守備某某沐鑲莊兵游



擊某某臨沅。參將某某等。躍景追風之騎。撼山蔽野之師。平樂之步兵。射皆穿札。會稽之死士。劍即斷喉。各鼓餘勇。俱據便地。或進鄧耳。或襲布韶。或入拐甸。或邀大莊。架衣矣堵。俱成京觀之場。鑿句三橋。方置將軍之幕。下黔中之甲。攻斗大之城。轉蕪江之饒。圍四絕之寇。此而逋誅。以何釁鼓。逆黨晏龍。廷何天衢。賊之爪牙。心膂是寄。今龍廷繫頸。天衢革面。管者雍奴。斬文高平。即下常侍。獲祐蔡功。乃成。凶人翦焉。無真同惡。計其崩壞。昭然可知。徒

欲遷延日月。以幾時變。不知在網之鱗。倔強不活。已困而鬪。所傷實多。將見頭行萬里。烏丸之席。常寒骨。專一車。蚩尤之冢。難卜智。高竄處。即築文廣之城。孟獲擒時。徒有銀坑之寨。况乎野掠路窮。曲赦難待。木麩作酪。常啼廩君之魂。泥餅雖香。不飽。夔婦之腹。事勢如此。內潰將生。帳中親信。本非燕趙之豪。蠻族生平。寧有妻子之託。罪止一姓。搆以萬金。若能斬捕以降。即同首功之賞。成敗不疑。自求多福。倘逆賊普名。聲迷而知悔。天誘其衷。籍所



畜交銳澳馬一一輪官所僭立城堡應時毀墮然  
 後面縛請命待罪闕廷幕府依詔旨受章恕  
 十死檄到旦旦不渝咸共申省

啓

謝賚古鏡熏籠啓

宋存標

繡囊開影霜月晨飛玉帳焚膏春寒宵歇奩中勝  
 賞幄裡清權雲破蟾蜍窓來白鳳烟侵翡翠竹暈  
 紅潮淬以清泉即有星辰之狀燃之奇木非無龍  
 鳳之形彈冠自譽其麗姿入夢猶憐其香氣夜埋

石鏡徒傷掩月之懷朝拂山鑪彌愧非烟之質

前題

徐孚遠

光分菱影製重蘭支規寸却月織縷迴風對朱鳥  
 之窓方安斜黛入青牛之帳還驚體香字刻千年  
 即能壓魅花散五色當用浮烟某散髮行歌無心  
 雕飾襪被高卧不知勁嚴何意思賜曲來假以殊  
 麗聲鳴匣中時聞清嘯香濃袖裏常見凌霞塗以  
 玉膏必使龍文直繞懷之珠被即令麝火宵舍持  
 作何步則瘦面復光擬過袁門則凋節更煖



前題

陳子龍

鎖麗清朝繡囊乾影歇芳玄夜。黼帳消烟。牕未解  
 於承花被難温而帖玉巫神夢月石照粧樓江妾  
 懷香鑪麝浣瀨未有土花蝕斷光積嬌魂縹節嬋  
 娟器含芬澤臺增碧玉牀伴鬱金剛靜盤龍釣蟾  
 餘於秋落神寒餐鳳籠鴛鴦之夜焚小顰入而菱  
 愁殘燼飛而竹潤画眉刷翠頗見初歡倚袖垂紅  
 時迷薄醉幸非神鵲剖半面而難飛本愧蘭膏捲  
 三年而不寢

前題

朱 灝

引致貯光懷摩秋水紛連接縷肌織春烟繡花不  
 謝玉窻冷竹時棲熱鳥虬盤沐照映五色之衣魂  
 象鬪凝脂亂衆山之香脉新朝通潤看柳怯于舊  
 絲今夕淹氲駕被試其初浴暈開粉地悵望故痕  
 裊繞火城凄迷新夢艷粧心事署不濯之水壺湘  
 簾氣噓温甫搏之雪魄幽菱奩種蒂瘦勻霞弱節  
 牀支嬋迴霏霧靜意早通乎青鵲縈芳徐噴于綠  
 龍



前題

顧開雍

非○勞○白○月○之○形○微○通○光○景○遂○避○青○霜○之○影○曲○疊○斜○  
 行○石○出○暘○天○烟○還○拂○腕○名○花○不○落○蓋○火○能○紅○晨○華○  
 照○夢○慚○吐○珊瑚○夕○煖○承○羅○羞○温○翡○翠○妾○子○內○減○含○  
 珠○謂○瑩○塵○土○體○違○娟○玉○與○被○香○氲○望○戶○拒○蘭○留○朝○  
 雲○于○半○面○銷○帷○罷○篆○冷○夜○鸞○于○一○山○理○恨○青○來○疑○  
 峰○礙○雨○支○歡○黃○度○湘○節○捲○秋○看○去○妝○樓○雀○飛○迢○遰○  
 之○水○鎖○寒○竹○院○鳳○起○璽○瓏○之○臺○

彈文

鵲彈鶴文

徐孚遠

游○擊○將○軍○假○御○史○中○丞○攝○行○臺○事○臣○俊○言○臣○聞○國○  
 寶○無○用○則○華○士○充○朝○上○獎○虛○浮○則○天○工○其○曠○是○以○  
 聞○人○疑○衆○尼○父○嚴○誅○來○敏○亂○邦○諸○葛○太○息○事○同○整○  
 手○有○異○吹○毛○中○散○大○夫○建○章○宮○監○凌○霄○公○禽○臯○托○  
 懷○漫○誕○縱○心○險○放○本○無○六○翮○之○姿○棲○寄○一○丘○之○外○  
 詭○情○閒○遠○涉○迹○清○流○故○使○士○衡○虛○襟○長○其○光○價○羊○  
 公○拊○掌○置○之○坐○隅○遂○乃○因○綠○華○省○倚○藉○當○塗○佩○以○  
 金○衣○方○作○儀○於○近○掖○糜○以○潭○粟○屢○分○囊○於○大○官○乘○



軒之榮禮同衛日浴血之報事絕周年聖恩逾涯  
過存齒錄小人多幸不知所裁加以高下在心睥  
睨人物嚙啗之口不可聽聞歸正人上林丞蕪督  
魚梁知雜務麻秋雖過江差晚本異荒塗即日以  
事暫入尚書省會食門下禽臯自以居中久次聲  
望猥高遂迺據茵推案深懷疾憎顧叱忿詬言無  
齊限灌夫罵坐吳質斫席朝議等之市人有識以  
爲官謗臣於時便欲露章啓聞緣國憲弘貸耻以  
飲食錮人抑而不舉臣又聞禽臯外托誕曠內懷

穢鄙逞其長喙盈此饕心飲水之風徒聞前志却  
魚之節有媿管賢又假稱青田倉粟係臯食料私  
發萬石有奇臣頃攝倉督比較皆有左驗臣聞延  
年挾詐聞鼓殿刀孝徵乾沒應時受杖此而可忍  
何以執憲謹案中散大夫建章官監凌霄公禽臯  
菡業無取叨竊非榮濯飾羽毛接待天宇矜其一  
鳴以爲擅絕左顧右盼意氣如雲醜疾之聲盈於  
朝野在公夙夜殊不關懷此風不除實恐有扇醇  
和長茲淄蠹臣聞天威在顏無禮必斥而禽臯至



乃散髮緩步。矜其姿制。疾言凌遽。有徹宸嚴。屢舞  
 婆娑。不聞過闕之敬。高卧偃仰。殊無警露之心。豈  
 直嗣宗清狂。見譏禮法。文舉踈放。增其詆訶者哉。  
 臣聞黃散為士人之華。選侍中實清朝之峻秩。而  
 禽臯居常怏怏。性復憚憚。入直栖遲。多懷怨氣。在  
 事指斥不諱。君親非有路粹顯奏之效。實懼會宗  
 阿隱之誅。今秋律已嚴。鷲鳥將擊。臣謹以劾。請以  
 見事免禽臯所居官。收付廷尉法獄治事。其在官  
 脏汙及擅發公儲。別攝治書侍御史。依狀條勘。臣

誠惶誠恐死罪以聞

章

擬沈休文上赤章文

徐孚遠

特進左光祿大夫侍中太子少傅建昌縣侯下土  
 臣約稽首頓首拜章死罪死罪。臣聞五勝迭代。不  
 禦時來。帝者開圖。道非一迹。若乃當塗繼漢。高擬  
 受終。自是以還。遂為準則。雖復黃鉞斷頭。素車繫  
 頸。猶待斟酌。郊壇經營。別邸用此。樂推以慰。人言  
 是以屬草之勲。有同汗馬。原夫精華已竭。蛟龍出



泉。統。天。御。籙。初。不。由。此。也。臣。約。建。義。之。始。不。與。王。師。弘。策。瞻。星。之。歲。僧。珍。裝。艦。之。時。毛。偃。艱。難。蕭。曹。親。信。臣。實。何。人。敢。饗。斯。賞。至。於。京。邑。清。蕩。開。府。搜。揚。臣。乃。如。自。詹。詹。得。參。幃。幄。據。岳。之。勢。有。識。不。謀。攀。翼。之。心。實。同。衆。望。以。臣。粗。曉。故。事。撰。草。壽。光。雖。成。業。之。嘆。有。慙。弘。獎。而。開。塞。之。議。了。不。關。臣。臣。約。今。者。氣。息。危。懼。得。於。妖。夢。乃。云。齊。氏。末。命。爲。高。于。臣。若。以。此。獲。戾。臣。約。不。能。無。言。何。者。對。揚。揚。揚。以。贊。維。新。前。哲。芳。規。非。我。慙。德。是。以。元。茂。逸。才。光。

九。錫。之。詔。嗣。宗。雅。望。無。損。勸。進。之。文。若。謂。英。辭。凋。悴。假。手。無。人。必。出。臣。筆。霸。朝。始。建。殆。又。不。然。任。記。室。同。府。之。舊。范。僕。射。明。瞻。濟。時。耳。濡。目。染。咸。能。綴。屬。風。雲。豈。臣。此。製。獨。掩。一。代。巴。陵。王。地。非。奧。主。徒。以。計。立。雖。開。端。門。未。瞻。天。闕。不。坐。不。預。於。約。何。有。豈。得。比。于。成。君。責。人。二。心。至。於。高。武。子。孫。誰。實。盡。之。建。武。有。後。其。爲。天。道。臣。約。少。長。惠。文。之。館。不。無。便。蕃。之。遇。臣。之。所。守。無。負。幽。明。迹。則。推。枯。義。同。吞。炭。若。乃。姑。孰。之。議。發。自。臣。約。斯。則。上。德。不。德。出。于。



權道誅劉必盡用絕人望。勿生王家。自昔嘆之。汝  
陰之事。即是殷監。既以此始。必以此終。而臣獨何  
辜。邁斯綿醕。臣約失志。荒瞽不知所言。

壬申文選卷之十七 終